

考城縣志

丙子清和月
張雪亭題簽

卷一

輿圖志

卷二

沿革志

卷三

事紀

11. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

中華民國十三年秋月
河南通志局審定

考
城
縣
志

考城縣志叙

今之志猶古諸侯之史也史不一其書而著之爲經獨猶有春秋春秋一出則其他皆可廢焉曠觀諸行省各縣靡弗志矣志歷數十年或百餘年靡弗續之矣其屬辭比事深於春秋之教者蓋尠矣而顧不可廢者無論何縣之志其志何人之筆官斯土者座必度一編以周知其風土人情而治賤治不肖之道燦然具矣生斯土者家必購一帙以循覽其先疇舊德而勸善懲淫之意油然而興矣是以君子貴焉苟其書不乖於義例不儉於文辭不整於古作者之法豈不尤可貴哉考城介豫之東北周爲戴國春秋時爲葵邱爲穀城秦置甯縣東漢改爲考城縣其縣治曩踞黃河北今在黃河南矣河道變遷自古已然無足怪也歲戊午余承乏是邦取架閣官書閱之則舊志續修於康熙三十七年距其時已二百有二十年歲月錦遠文獻缺有間矣迺與邦人士亟謀所以重新之者而以萑苻不靖防剿兼施不果行癸亥夏再權是

篆謀諸邑紳設局重修聘禹縣田孝廉荔軒先生任纂修之事補缺增遺勤加蒐討六閱月而書成余不文未知屬辭比事果有合於春秋之教焉否耶而是書之不乖義例不儉文辭不盭古作者之法其於古諸侯之史差伯仲焉是書也成俾守土之人一展卷而山川戶籍土俗民情如視諸掌焉於以體國經野度地從政使吾考邑之民同登康樂和親之書於永禩也是則官斯土者之志也夫是則生斯土者之志也夫

民國十有三年年夏歷闕逢困敦道家大慶之月署考城縣知事寇縣張之清筱潭甫敘於縣署東偏之退思軒

考城縣志序

余家僑寓考城歷有年矣於邑之故事固亦畧有所知然大半得之故老之流傳其端厓僅具而不克竟其全者十恒六七則欲徵之於志乘而縣之舊志又斷自康熙三十七年其後無聞焉蓋考城之爲縣始屬歸德府中間改屬衛輝府後還屬歸德而今之縣治亦非昔地當康熙三十七年以前縣固未嘗改屬而城亦未嘗移也此皆邑之大事其他瑣瑣尤夥經歷二百餘年而無以紀之豈不大可懼乎今邑侯張君筱潭於其復任之初卽汲汲焉以修志爲念延禹縣田荔軒孝廉主其事而以邑宿李君信甫蔡君激泉諸人任編緝之役田君學有本原提綱絜領發明義例爲目者十有四李蔡諸君卽徵文考獻搜殘拾墜貫穿二百餘年之間卒使大者畢舉細者亦未盡湮沒其用力可謂勤矣夫方志在目錄中屬地理而實具史之全體也體不備不可以爲國史亦不可以爲方志宋元以來作者代有其人而能備體者爲明

康海武功志韓邦清朝邑志一謹嚴如漢書一疏古似史記古人所稱洵不誤也明季清初方志競務簡要致實事化爲空幻且好用偶句不散不整通儒譏焉及清中葉各省府州縣皆以修志相尙其志多出碩學之手即以縣志言洪亮吉則有涇縣志淳化縣志孫星衍則有三水縣志錢坫則有朝邑縣志段玉裁則有富順縣志章學誠則有永清縣志天門縣志李兆洛則有鳳台縣志而河南與之抗衡者則有武億安陽縣志其體例甚周備而又有別裁有斷制故可貴也今張侯此志未知與古人奚若然其主要則實事求是其事遣辭則務思有以引人興趣而鼓舞以盡神豈惟備史體爲能事乎用是促人羣進化可也民國建元十三年歲次甲子仲秋荷澤何樹楨序

考城縣志叙

吾邑舊志失修已二百餘年矣滄桑遞變陵谷殊形其故家遺俗流風善政所存者不過仟伯之什一苟弗及時蒐羅詳慎記載何以彰先正遺規而備國史之采民國十二年秋山左張公筱潭奉令重治吾邑蒞任伊始即文獻是徵商同地方紳士籌款設局重修縣志未嘗以風塵鞅掌案牘勞形遜謝不遑也其意豈徒使循良官蹟文苑儒林相延不墜歟蓋有見夫閭里之間不乏貞操介節志士畸行甚或苦心孤詣一往獨至有洵非良吏文人所能企及者不甯惟是地方利弊胥關民生若彼前事之已興已革堪爲後事準繩者正不知凡幾儻皆聽其磨滅則實守土者之羞以故上遵功令下詢芻蕘就舊志悉心考訂缺畧者增補之渙散者整齊之錯誤繁冗者勘正而刪夷之舉凡兵刑禮樂制度文爲差徭賦稅風俗人情並父老流傳之軼見逸聞具有可歌可泣可傳之故實者一一著之於篇使閱者一目了然不下几席

而能周知民隱及利弊所在其有裨於從政豈淺鮮哉斯役也膺總纂修之任者爲禹縣田君軒荔學問淵博著述等身其分纂諸君籍隸本土亦皆學具專長諫名庠序之選故志之成也條舉目張體例嚴謹一邑之人物典章燦然復備不惟有功文獻抑亦著作之林也勳學政本省省署不獲躬事襄助良深歎仄謹畧識數語以誌景慕之誠中華民國十三年甲子孟夏邑人許承勳

重修考城縣志職員姓氏

主修

國務院存記簡任職署理考城縣知事山東冠縣張之清

筱潭

纂修

汲縣圖書館副館長清光緒癸卯恩科舉人禹縣田春同

荔軒

總經理

本縣商務會會長清庠生 堯陽方劉襄虞

舜臣

副經理兼編輯採訪員

清候選訓導歲貢生堯陽方李心芳

信甫

編輯兼採訪校對員

清 庠 生 堯陽方王荆山

公璧

本縣東區區長清試用訓導廩貢生盟臺方李蘭亭 綬九

清侯選查直隸州州判恩貢生董堂方蔡希濬 澄泉

清候選訓導歲貢生青陵岡方戴蘊枝 蔭圃

編輯兼探訪校對繕寫員

清 廩 生 舊城方趙建中 和軒

編輯兼探訪員

清 廩 生 舊城方吳晉成 藩臣

編輯員

高小校教員前本縣勸學總董教育會會長 清候選訓導歲貢生 烟陽方楊際昌 世五

清 副 貢 生 盟臺方張盛森 毅如

官 錢 局 局 長 清 廩 生 烟陽方趙同田 子真

繪圖兼探訪員

清 庠 生 沈沈方王恩光顯齋

會計兼庶務員

公 欸 局 局 長 青陵岡方戴蘊良善夫

書記

清 監 生 董堂方蔡之璇星樓

探訪員

清 庠 生 青陵岡方孔繁亮

茨蓬方張永恩

茨蓬方邢潤生

雷寺方孔祥雲

雷寺方朱 焯

清 庠 生 大劉方劉 珍

大劉方胡金門

賀村方張紹嵩

賀村方張紹俊

清庠 小宋方孔繁震

清庠 小宋方孔繁緒

清庠 董堂方張慶遠

清監 楊橋方王鳳池

清庠 楊橋方陳鴻謨

清庠 沈沈方蕭金聲

清廩 孝城方任凌雲

清廩 孝城方董之用

清庠 付村方陳蓋臣

清 庠 生 付村方周冠三

清 庠 生 順流方張以約

清 庠 生 順流方張本森

新興方張鳳圖

清 庠 生 新興方秦錫九

清 廩 生 盟台方王履道

清 廩 生 盟台方李茂松

佐理員

河南省議會議員 青陵岡方戴鴻道 貫一

法 校 畢 業 生 雷寺方閻公慈 少南

教育局局長北京大學商科畢業小宋方張雲 雪亭

清孝廉方正廩生 賀村方張士信 笠民

第一師範畢業

雷寺方朱紹閱 閩軒

繕寫員

清 庠 生 盟台方李在錄

八等嘉禾章前北洋陸軍司書 涇陽方楊爾蔚

涇陽方王書山

涇陽方李耀先

涇陽方王文曾

公 欸 局 書 記 員

涇陽方周富昌

涇陽方劉遇辰

涇陽方劉向辰

校對員


法 政 畢 業

無錫滕國楫 再洲

分發河南任用薦任職 杭縣黃 航 慈舟

清 庠 生 開封錢鳳鈞 紹庭

清 增 貢 生 徐水徐 墀



凡例

一 大綱悉遵頒發河南各縣重修縣志編次法而融會變通以期不背今古若編纂大旨古畧而今詳古簡而今繁悉循進化公例

一 考邑有志始於明永樂間雖屢次重修惟清康熙三十七年陳德敏志尙存又甚殘闕茲据民間抄本若有採錄悉注明曰陳志以爲識別

一 是編不用陳志體例與續修不同名曰考城縣志自夏商迄民國十年此後非事關緊要者不錄

一 考邑自乾隆四十九年移縣治堽陽割舊黃河南岸地與睢州其未割前所有者載之既割後則否其得儀封北岸地既割後所有者載之未割前則否以副實事

一 各門類中引用書籍或係採訪悉爲註出以免杜撰之譏

一 星野之說本不足信而纏度移動地理變遷更不能符合寧付闕如

山川爲方志中最要條目必不可闕而考邑無一名山即岡陵亦夷爲平原不得不畧其川流又細甚則別歸水利門黃河爲經過事亦附見焉

事紀所錄清室諭旨必据有考城明文者餘皆不錄

賦役財政悉据現在調查紀錄舊志所載皆不轆轤

職官選舉二表自康熙三十七年至乾隆四十九年舊案淪於河無由稽察惟表其有實据者

人物傳多用正史古籍以免割裂之弊所錄悉實爲考邑人其惟稱濟陽人者援大清一統志例錄之若儀封割歸考邑後而其科名仍舊貫者悉不入志中所稱秀才舉人有用古稱者用後代名者以書成倉卒未能畫一閱者諒之

列女傳義例遵范曄後漢書之舊末爲附表以簡馭煩爲古方志所無

舊志諸序或爲志原或爲序錄另爲一卷是編援蔣氏河陰縣志例歸雜記中是編纂錄不無依据其中失檢之處亦所難免惟望博雅君子指而正之

考城縣志叙錄

禹縣舉人田春同撰

稽古有虞益地陳圖職方所掌精確不誣圖經云亡地理益粗爰復舊觀方志其初
述輿圖第一

忽縣忽郡忽道忽軍忽省忽置忽合忽分替儒杜撰治絲而棼疏証今古方可息紛
述沿革第二

春秋秉筆萬殊一本有經無傳斧鉞華袞聞見異辭事增文損簡久趨煩化基於渾
述大事記第三

考之爲縣始於漢章舊國惟戴地近外黃城郭涂巷翼翼將將不常厥居孰紀孰綱
述建置第四

漢立令長主簿兼資宋設都監拱衛京畿文武備官豈惟儒師循酷貪廉各有等差
述職官表第五

土地荒蕪政俗砮窳我置我理厥維田賦錢穀兵刑悉由此布富教兼施何異鄒魯
述田賦第六

詩十五國土產惟詳草木鳥獸遷地弗良地理食貨貴賤無常加以製造富甲四方
述物產第七

國有璧雍邑有泮宮光我俎豆羣賢英英先聖先師日月六經新舊兼採道乃大融
述學校第八

國家治亂人才是賴立制不同在士自愛茂才異等將相中外羣士濯磨造成世界
述選舉表第九


齊會葵亭吳通黃溝夕陽荒草霸業千秋騷人逸士與古爲儔我不見兮天地悠悠
述古蹟第十

六藝九流各有淵源名山著述百代永傳司空經學醴陵文編朝華夕采輝映中原
述藝文第十一

希世之寶樂石吉金前歐後趙著錄如林審厥欵識鼎尊可尋剝苔剔蘇業絕古今
述金石第十二

猛虎在山藜藿不採大賢在邑敵人計改文曜日星武事甲鎧心照汗青名留千載
述人物第十三

後漢晉朝皆錄雜事爰采逸說分別同異義存勸懲言外得意相錯成文以終厥志
述雜記第十四



考城縣志目錄

卷一

輿圖志 疆域附

卷二

沿革志

卷三

事記

卷四

建置志

城池

官署

壇壝

廟祀等
觀附

坊表

隄防

營壘

郵政附

津梁

卷五

職官表

封爵表

附傳

卷六

田賦志

田賦戶口附 財政 兵政 刑政 倉儲 郵政

鹽政 水利黃河附

卷七

物產志禮俗附

卷八

學校志

祀孔典禮 廟學 書院 義學 學校

卷九

選舉表

卷十

古蹟志

古地 城池 陵墓 宮室 亭臺 園囿

卷十一

藝文志

卷十二

金石志

卷十三

人物列傳

名宦 名臣 治績 忠義 篤行 儒林 文苑 隱逸 方技 釋老 寓

賢 列女

卷十四

雜記

有太陽系然後有地球有地球然後有世界有世界然後有中國有中國然後有河南省有河南省然後有考城縣考城方位不可不詳也故先之以輿圖圖必有沿有革故次之以沿革沿革必有事故次之以大事事之大者莫如設險故次之以建置有險必官以守之故次之以職官官盡職而後土地闢故次之以田賦壤成賦者物必豐故次之以物產物產富者以教加焉故次之以學校學校立則人才出故次之以選舉有名者必有實故次之以古蹟蹟之傳不可無文也故次之以藝文文之勝者必返其質故次之以金石文質彬彬然後君子故次之以人物人物遠大者不遺纖細故次之以雜記終焉

考城縣志卷一

輿圖志

方志之必需乎圖誰昔然矣周禮地官土訓掌道地圖以詔地事顧命陳寶河圖與天球並重蕭何入秦收府中圖籍沛公得知要害險夷卒成帝業載在史冊不可忽也世界國家之所重一邑一鎮何獨不然唐宋州郡之書多號圖經而元和郡縣志等皆書存圖亡陵谷變遷華離混淆雖奇異之士亦難爬梳不獨管仲伐楚誤稱昭王南征不復曹操討烏桓並案丁零盜蘇武牧羊也近代方志力懲斯弊而其爲圖亦不可爲典要或逐於景物山水摩畫工其繪事無當史裁至每縣必有八景更可哂笑或廁於序目凡例視同弁髦不爲繫說命名釐定篇次則不可以立體皆所不取考城舊志暨歸德府衛輝府非不有圖而簡畧殊甚今首列全圖次分圖若干附圖若干以開方計里爲經以山水村落爲緯凡重要有關攻守交通者皆詳注焉欲爲治者繚若指掌不迷施舍云

爾志輿圖

附疆域

位置

縣治在禹貢豫州之域河南行省之東鄙豫東道治之東北去開封一百三十里舊黃河南岸地割歸睢縣而得儀封北岸地七里廣五十五里袤百一十里

形勢

考城居睢之北通曹濮路

舊歸德府志

地連魯衛之墟道通汴宋之境東挹滌孟西接浚儀黃河遠其北盟台拱其南齊桓用之奔走列辟其形勢有足尙焉

陳志

東通曹濮西衛大梁南障睢陽北控東明爲兗豫之咽喉乃汴洛之左臂清咸同間屢駐重兵以制捻匪民國因之每於此處防禦亂黨近（日吳巡閱使）擬築汽車自柳河至考城以通曹邑將來必爲繁盛之地

氣候

考邑氣候較開封稍爲調和以攝氏風雨寒暑表驗之夏沸點至九十四度冬冰點至零十四度春秋溫和五十度五十六度不等風多雨量不恆足

道里

東至山東曹縣界三十里南至寧陵縣界三十五里西至儀封縣界二十里北至直隸長垣縣界二十五里延五十五里袤七十五里

陳志

考城縣在府治西北一百二十里東至曹縣界三十里到縣五十里南至寧陵縣界三十五里到縣七十里西至儀封縣界二十里到縣六十里北至直隸長垣縣界二十五里到縣一百六十里東南到府城一百二十里西南到睢州九十里東北到定陶九十里西北到封邱縣二百里廣五十五里袤七十五里

歸德府志

陳錫輅按考城志稱至不稱到茲特分析改正

歸德府志

東至曹縣大寨集界四十里到縣一百一十里

北至東明縣裴子岩寨界三十五里越長垣境到縣九十里南至睢縣高小集界越蘭封境五十里到縣一百二十里東南至商邱縣界牌集界一百二十里到縣一百八十里

西北至長垣縣南北隄村界八里到縣七十里

西南至蘭封縣瓜營集界十八里到縣四十五里

交通

東至曹縣五十里路通虞城縣南至寧陵七十里路通柘城縣西至儀封六十里路通開封府北至長垣一百六十里路通大名府東南至歸德府一百二十里路通永城縣西南至睢州九十里路通太康縣東北至定陶九十里路通兗州府西北至封邱二百里路通延津縣自縣治至北京師陸路一千五百里南至江寧府陸路九百五十里

陳志

東之曹縣官道經茨蓬集小宋集

舊有墩堡今廢

又經董堂寨入境

南之甯陵

東北之東明縣官道越長垣境又東北經裴子岩寨入境

南之睢縣官道經土山寨越蘭封境又南經高小集入境

東南之商邱縣官道經王朝鑾舊有墩堡今廢又東經北關集顏家集入境

西南之蘭封縣官道經西南瓜營入境

西北之長垣縣官道經南北隄村入境

區域

考城縣領編戶十一里曰盟台鄉希賢鄉歸厚鄉黃村鄉堙德鄉傅村鄉順義鄉子

惠鄉崇德鄉遵義鄉遵道鄉舊歸德州志

考城縣原額十一鄉於乾隆四十九年收併儀封縣七里共十八里查現在

東鄉 傅村鄉 堙一里 堙二里

南鄉 黃村鄉

東南鄉 盟台鄉 希賢鄉 歸厚鄉 峒德鄉 順義鄉

崇德鄉 遵義鄉 遵道鄉 隱四里

東北鄉 隱三里 崇二里 麟一里

在城 隱一里 以上府衛輝 府志

按儀封縣志隱者隱賢鄉崇者崇化鄉峒者峒陽鄉麟者麟遊鄉峒本二里全劃歸考崇本三里惟第二里劃歸麟本二里惟第一里劃歸隱本四里惟第一第三第四劃歸故曰七儀儀封所有者隱第二里崇第一里第三里麟第二里與原有在坊鄉一里通安鄉二里圈頭鄉一里也

考城現分十六地方

堽陽地方 茨蓬地方 雷寺地方 青陵岡地方 沉沉地方

小宋地方 董堂地方 楊橋地方 賀村地方 大劉寨地方

舊城地方 付村塔地方 盟台地方 舊名白水牛 新興地方 考城地方

順流地方

按考邑編戶稱地方之由已詳圖說而糧冊仍稱鄉里舊城六地方曰付單鄉付雙鄉盟單鄉盟雙鄉順單鄉順雙鄉義單鄉義雙鄉崇德鄉堦德鄉共十鄉新城十地方曰堦一里堦二里隱一里隱二里隱三里隱四里崇一里崇二里在方里共八里

集鎮

城外集鎮凡十有四曰汪家集復興集葛埕集大樊家集史村舖孫路口林七口會興集小王家集小顏家集梁靖口新興集流通集舊縣集新增歸德府志

日日集 一在本城 一在堦陽 一在秦家砦 一在黑村

單日集 一在流通集 一在小宋集

雙日集 一在狀元集 一在青陵岡

舊市集

一在王家莊

一在大力集

一在張村

上衛輝府志

現在市集 皆日市

堽陽集

大附城郭

紅廟集

大青陵方

小宋集

中小宋方

陳集

小雷寺方

土山寨集

小茨逢方

賀村集

大賀村方

張莊寨集

賀村方

楊橋集

小楊橋方

許河寨集

小董堂方

石樓集

中大劉寨方

舊城集

大舊城方

山集

小孝城方

杜樓集

中馬橋方

褚廟店集

大盟台方

顏集

大新輿方

順河集

小順流方

流通集

小順流方

以上共十七集

莊村

東鄉

曰賀家莊

西孟寨

秦家寨

閻家莊

梁家寨

范家寨

獨角樓

王莊

紅廟

崔家寺

陸家堂

韓西寨

譚家莊

馬林寨

愍家莊

楊家營

王家莊

霸城寺

黃口

韓家營

留莊

孟家寨

郭莊

| | | | | | | | | | | | |
|-----|-----|-----|-----|-----|-----|-----|-----|-----|-----|-----|-----|
| 袁家莊 | 吳家河 | 張木強 | 羊家橋 | 皮家寨 | 賈家莊 | 王溝 | 羅家寨 | 河二莊 | 大力集 | 段莊戶 | 唐家寨 |
| 五里河 | 趙家溝 | 聶家莊 | 姜家樓 | 楊家堂 | 魯家莊 | 黃渡湖 | 回龍寺 | 林家寨 | 愍周莊 | 侯家寨 | 許家寨 |
| 王茂店 | 小談莊 | 翟家莊 | 韓家莊 | 周家莊 | 牛蘭中 | 南門留 | 南家莊 | 大馬莊 | 小孔莊 | 張老莊 | 張老莊 |
| 蕭家莊 | 魏家莊 | 許家河 | 傅家莊 | 呂家莊 | 任家莊 | 成子 | 常堡 | 趙家莊 | 宋家莊 | 梨園 | 小宋集 |
| 杜家莊 | 靳家莊 | 董家堂 | 新家莊 | 史家莊 | 圈裏 | 胡家莊 | 王堡 | 留堡 | 孫家莊 | 邵家莊 | 李莊 |
| 南彰廟 | 三家莊 | 董家園 | 岳城寺 | 曹林寺 | 陳家莊 | 郭家莊 | 田堡 | 李堡 | 蔡家寨 | 牛家莊 | 曲家樓 |

| | | | | | |
|------|-----|-----|-----|------|-----|
| 孫家橋 | 留家橋 | 雙樓村 | 孔家莊 | 張光莊 | 王家橋 |
| 陳家橋 | 官溝 | 丁家砦 | 焦家莊 | 留家樓 | 趙家樓 |
| 鄭家集 | 吳家莊 | 侯家集 | 宋家莊 | 朱家廟 | 辛家莊 |
| 司家莊 | 官家莊 | 朱家莊 | 岳家莊 | 馮家莊 | 石家莊 |
| 崔家莊 | 潘家莊 | 楊家莊 | 董家營 | 唐水口 | 堤上 |
| 楊家壩 | 樊家莊 | 李家館 | 留家店 | 何家莊 | 崔家壩 |
| 羊家口 | 李小集 | 甯家樓 | 朱小莊 | 柘桑樹 | 周家集 |
| 莫家莊 | 朱老家 | 秦家集 | 趙小樓 | 賀家莊 | 拐潭 |
| 李大莊 | 胡老家 | 南安莊 | 前王莊 | 杜小樓 | 留曹莊 |
| 張建白莊 | 北安莊 | 後王莊 | 史小莊 | 張老莊 | 李小莊 |
| 龐家莊 | 張家樓 | 郝家莊 | 李家樓 | 張善人莊 | 順河集 |
| 史家樓 | 季家莊 | 魏家莊 | 顏家莊 | 卞家莊 | 祝家莊 |

| | | | | | | | | | | | |
|-----|-----|-----|------|-----|------|-----|-----|-----|------|------|-----|
| 汪家營 | 薛家店 | 雙井 | 三教堂 | 游家莊 | 秦老家 | 晏家莊 | 褚廟店 | 尙家莊 | 半坡李店 | 金家莊 | 流通集 |
| 雷家砦 | 宋家莊 | 梁家場 | 程家莊 | 胡小莊 | 董家樓 | 朱家店 | 薛家莊 | 杜家莊 | 何家樓 | 李家礮衙 | 伏家樓 |
| 宋家營 | 閻家莊 | 孔家樓 | 呂家莊 | 李口莊 | 孔梁寺 | 新興集 | 朱小莊 | 張樓莊 | 洪武廟 | 張井莊 | 常家樓 |
| 王家莊 | 蕭家莊 | 任家莊 | 曲家莊 | 王小莊 | 喬家莊甘 | 鮑家莊 | 潘家樓 | 甯胡同 | 于家樓 | 清連寺 | 帥家莊 |
| 朱家莊 | 秦家砦 | 李小莊 | 馬家莊 | 薛家橋 | 周家樓 | 鹿家莊 | 程家莊 | 薛家樓 | 戴家樓 | 安家堂 | 安家堂 |
| 黃家口 | 卞家莊 | 傅家堂 | 南鄉 | 楊樹莊 | 張平樓 | 梁靖口 | 匡王廟 | 范家樓 | 石井莊 | | |
| | | | 日堽陽集 | 高家莊 | | | | | | | |

徐家堂 茨蓬集 高家寺 小王莊 張家莊 翟家莊

田家莊 小李莊 大李莊 刁家樓 方家莊 南翟莊

賀村 高家莊 徐家莊 孔家莊 王打瓢 黃家莊

單家莊 阮陽莊 龍王廟 管家莊 青陵岡 普家營

留見吾莊 袁家莊 郝家場 李家莊 孔家莊 曲家砦

南王廟 代家莊 東王莊 陳家莊 王家莊 郭家莊

十堡 張家莊 孫家莊 留家莊 周家莊 安家莊

宋家莊 程家莊 宋家莊 黃家莊 馮家莊 陳家莊

黃家莊 李家莊

西鄉 曰趙家砦 東馬木 西馬木

北鄉 曰牛家營 孔朝灣 石家樓 以上衛輝府志

考城縣志卷二

沿革志

地理之沿革至穀變矣或一地數名或數地一名知古不知今如明王鏊蘇州志題名姑蘇志貽譏楊循吉是也知今不知古如清姚椿洪符孫禹州志不知韓城即陽翟致張昇以名臣見遺是也稽古者必於地理之變遷分合精通而疏明之方名實相符昭茲來許考城得名始於後漢章帝自後漢而上至於往古後漢而下迄於近今皆不可不詳晰也探正史稗說即古有成案亦不肯假借庶少踵謬傳訛之弊矣志沿革

商

曰北亳

考城爲北亳

屬開封後屬拱

景亳薄是

漢薄縣爲山陽

有景山亳城湯亭

宋宗廟墓所九城志景山在瀆

受湯命都之

古亳城在考城東北五十三里有湯墓亦有激水盤庚徙治

南北亳亦皆曰商

後代禮威名

或以實三亳陂尹者妄

謂南北西亳或以考城爲南亳安陽爲北亳顯

達不能辨杜謂京毫乃周地故今鞏縣西南有湯亭亭而降之原有景原即爲湯誓處

路史國名紀商氏後

按以考城爲北毫始自晉皇甫謐清孫星衍偃師縣志亦主其說

曰商

說見上

曰郭

殷也讀如衣見呂氏春秋蓋本杜毫契都故不韋曰湯嘗約於郭毫十八然考城穀熟安陽

俱有殷名殷者毫之內地鄭云始于毫之殷地劉恕以爲盤庚始號非也路史

曰戴

苗也博雅稽析也或苗稽今拱之考城有故戴城考城初隸初併于鄭隱十年鄭伐取之

取楚滅宋曰穀廣記秦謂之穀漢之苗縣應氏苗戴聲近故詩箋以倣戴爲城苗廣記云楚漢長起邑多災而名妄章帝爲考城東巡記取光

隋爲戴州有戴水國都記考城西有戴水今戴陵戴園路史

按路史以戴爲商氏後必有所據清徐壽基春秋地理韻編亦以戴爲子姓國

周

曰載

載姓姪國

圖書集成姓氏考姪姓注

按載戴古字通本子姓而云姬姓其周初滅商後而封其同姓歟

魯春秋

曰載

左傳有載國風俗通云姬姓後陳留外黃是集韻作戲云古國名路史

宋人蔡人衛人伐載疏云校勘記云諸本同唐石經載字缺釋文無音按漢書五行志作戴注引此經同師古曰戴國今外黃縣東南戴城是也讀者多誤爲載故隋置載州今按顏氏此各條較之義疏爲勝段云說文戲字注云戲故國在陳留則戲爲本字載爲假借字亦或作戴故左傳作戴公穀作載釋文引字林作載皆

可然左傳唐石經初刻亦作載杜云戴國今陳留外黃縣有戴城漢地理志梁國
甯縣故城戴國應劭曰章帝改曰考城續漢志陳留郡考城故甯注陳留志曰故
戴國地名戴戴皆從戈聲戈聲與甯聲同部故得通焉大事表云在今歸德府考
城縣東南五里自後不見經地入于宋但不知何年按考城乾隆間移治黃河北
岸改屬衛輝矣水經注汴水篇汴水又東逕濟陽考城縣故城南爲甯獲渠考城
縣周之采邑也於春秋爲戴國矣左傳隱十年宋衛蔡伐戴是也後遭漢兵起邑
多災年故改曰甯縣章帝以其名不善改曰考城知戴之讀載讀甯有自來矣

清江直公羊詒疏

六國魏

曰外黃

蘇秦列傳蘇代約燕王曰決白馬之口魏無外黃濟陽正義故黃城在曹州考城

縣東二十四里

史記

曰黃

春申君列傳黃歇上書說秦昭王曰王息甲休衆三年而後復之又併蒲衍首垣

以臨仁平邱黃濟陽嬰城而魏氏服正義故黃城在曹州考城縣史記

楚

曰蒙縣

國名紀蒙下注六國楚爲蒙縣莊十五年蒙澤也生莊周爲漆園吏今宋之考城

古蒙城東魏爲蒙部今興化之冤亭有莊子漆園漢之冤句亦蒙地也路史

秦

曰穀縣

汧水東逕濟陽考城陳留風俗曰秦之穀縣水經注引

按考城秦所置縣不見於史惟水經注引陳留風俗傳較近古可信路史引廣

記亦云秦謂之穀顧氏方輿記要從之當不誤也

楚漢

曰甯屬碭郡

楚漢諸侯疆域志

漢

曰甯屬梁國

地理志梁國甯漢書

按史記靳歙別將擊邢說于甯南集解引徐廣曰今日考城索隱甯音災今為

考城是甯之名

漢初始有之

曰戴

高祖功臣侯年表十一年封秘彭祖為戴侯索隱戴地名音再應劭云章帝改考

城在故甯縣史記

復日笛

翟方進傳翟義起兵諸將至陳留笛漢書

按戴復為笛必在武帝後元年戴侯蒙坐祝詛無道國除後

後漢

日考城屬陳留郡

郡國志陳留郡考城故笛章帝更名故屬梁後漢書章帝東巡過笛縣詔曰陳留笛

縣其名不善高祖鄙柏人之邑世宗休聞喜而顯獲嘉亨吉元符嘉皇靈之顧賜

越有光烈考武皇其改笛縣曰考城水經注引

按此詔後漢書章帝本紀不載據水經注錄出元和郡縣志與此小異

晉

日考城屬濟陽國

惠帝分陳留為濟陽國領濟陽考城諸縣晉書失載續錢大昕二十
四史考異元和郡縣志考城

晉屬濟陽郡今考沈志云太康地志無當屬晉惠帝分陳留爲濟陽國所復也

清

畢沅晉書地理志補正

宋

曰考城屬濟陽太守

州郡志考城今前漢曰甯屬梁國章帝更名屬陳留太康地志無

宋書

按濟陽太守惟領考城郵城二縣洪亮吉謂當有濟陽縣然以宋臨澧侯劉使君墓誌証之其第五妹適濟陽圉蔡康之景仁第六妹適濟陽考城江遜孝言又侍中夫人濟陽考城江氏景娒是濟陽有圉而無濟陽縣且宋書明言領縣二又何必強益之也若南兗州云文帝元嘉十八年省考城併燕與南齊書南濟陽考城皆僑置者非故考城也

後魏

曰考屬沛郡

地形志沛郡領縣考魏書

曰考陽曰北梁郡

後齊

曰成安縣

地理志考城下注後魏曰考陽置北梁郡後齊郡縣並廢為成安縣開皇十八年

以重名改曰考城隋書

隋

曰考城屬梁郡宋州

地理志梁郡考城隋書

按唐顏師古稱隋置載州史無明文故付闕如唐

曰梁州

曰考城屬曹州改隸宋州尋復故

地理志曹州考城隋舊武德四年於縣置梁州領考城縣五年州廢以縣屬曹州

齊書

地理志曹州濟陽郡考城上武德四年以縣置東梁州五年州廢來屬元和十四

年權隸宋州尋復故

新唐書

梁

曰戴邑屬開封府

職方考開封府故統六縣梁開平元年割曹州之考城更曰戴邑

五代史

郡縣志梁開平元年升汴州爲開封府元管六縣復割曹州之戴邑以隸之

晉五代

史

後唐

曰考城屬汴州

郡縣志後唐復降開封府爲汴州以考城等縣隸之

舊五代史

宋

曰考城屬拱州後屬開封府

地理志開封府考城注畿崇寧四年與太康同隸拱州太觀四年廢拱州二縣復

來屬

宋史

金

曰考城屬睢州

地理志睢州考城注宋隸南京正隆前隸曹州後來屬葵邱有黃河黃陵岡元光

二年改爲通安堡

金史

按至正四年割考城通安堡置儀封縣見元王恂儀封文宣王廟碑史失書

元

曰考城屬睢州

地理志睢州考城下元史

明

曰考城屬開封府復屬睢州

地理志睢州考城注州北元末省洪武四年八月復置屬開封府十年五月復省
十三年十一月復置屬州舊治在縣東南正統十三年徙北濱大河明史

清

曰考城屬歸德府改屬衛輝府尋復故屬

本朝屬歸德乾隆四十八年三月移縣治黃河北岸以岸南地入睢州因改屬衛

輝府

清世亮黃乾隆
州縣圖志

按縣治移堽陽乃由儀封撥來者

清光緒元年二月河南巡撫錢鼎銘奏云奏爲沿河縣缺改隸府屬並將缺之煩
簡互相更換以便官民而符缺次恭摺仰祈聖鑒事竊照衛輝府屬之考城縣原

隸歸德府屬自乾隆四十八年間因蘭陽李六口壩工合龍將該縣城池移建黃河北岸改隸衛輝府管轄經前撫臣河臣會同奏明奉部議准七十餘年事事諸臻妥洽洎咸豐五年銅瓦鑲決口黃河改道北流考城轉居河之東南距衛郡二百四十里相隔太遠該府勢難遙顧而府院考試士子自縣赴郡應由封邱長垣等縣境繞道渡河偶遇風狂河凍往往貽誤場期以致應試者逐漸稀少且解勘命盜等犯及遞送文報往返河干時多阻滯據該縣舉人李正修等以考城縣境與開封較近懇請改屬開封府屬呈由該府縣議詳到臣當經飭司查議茲據藩臬兩司詳稱考城縣治前由歸德府改隸衛輝原因移建城池在於北岸自黃河改道以來該縣隔在河之東南其於開歸二府均無河阻雖相距歸德遠於開封惟開封所轄已有十六州縣歸德僅止八屬自應將該縣仍隸歸德方昭平允現在該縣缺雖沿河並無修防之責政事較少亦應改爲地方簡缺歸部詮選

錢敏

肅公奏議

民國

曰考城屬豫東道

民國二年分河南省爲四道於開封設豫東道考城屬焉

附

水經注

汜水又東逕濟陽考城縣故城南爲甾獲渠考城縣周之采邑也于春秋爲戴國矣左傳隱公十年秋宋衛蔡伐戴是也漢高祖十一年秋封彭祖爲侯國陳留風俗傳曰秦之穀縣也後遭漢兵起邑多甾年故改曰甾縣王莽更名嘉穀章帝東巡過縣詔曰陳留甾縣其名不善高祖鄙柏人之邑世宗休聞喜而顯獲嘉應享吉元符嘉皇靈之顧賜越有光烈考武皇其改甾縣曰考城是蹟蓋因縣以獲名矣

按酈氏說甚簡要惟王莽更名嘉穀不見於史後儒未有信者

元和郡縣志

考城縣古戴國也春秋隱公十年宋人蔡人衛人伐戴後屬宋楚滅宋改名曰穀

漢以為菑縣國都記曰

案國都記見史記堯本紀注是徐之宗所撰而隋書經籍志但云二卷不著人姓名今附誌於此

縣西南有戴水今名戴

陂周回可百餘里蓋本戴國取此陂水為名也漢之興也其邑多菑年數不登故邑曰菑章帝柴於岱宗過菑縣詔御史曰陳留菑縣其稱不令故高祖鄙柏人之名武帝休聞喜而顯獲嘉其改菑縣為考城至晉屬濟陰郡高齊天保七年省考城縣移成安縣理比隋開皇十六年仍改名考城縣屬宋州武德五年改屬曹州按李氏謂考城至晉屬濟陰與史不合

太平寰宇記

考城縣古戴國地春秋隱公十年鄭伐取之後改名曰穀秦滅六國為淄縣漢隸梁國後漢章帝東巡改為考城仍隸陳留郡後魏為成安縣仍於縣置北梁郡隸南兗州北齊郡廢縣歸濟陰郡隋復為考城移屬宋州唐初於縣置梁州武德四

年州廢縣入曹州梁改爲戴邑縣後梁復舊自梁晉屬開封府

按樂氏謂秦置淄縣梁改爲戴邑後梁復舊與史不合後梁疑後唐之誤

河南通志

周爲戴國春秋時鄭取之改曰穀城秦置留縣屬碭郡漢屬梁國東漢始改爲考城縣屬陳留郡三國魏改郡爲國縣屬如故晉廢南北朝劉宋復置屬濟陽郡後魏改曰考陽屬北梁郡東魏改曰考縣屬沛郡北齊又改曰成安屬濟陰郡隋開皇十八年復爲考城縣屬梁郡唐武德四年改置東梁州尋廢州仍置縣屬曹州濟陰郡五代晉漢屬開封府宋初屬拱州尋還故屬金元俱屬睢州明屬仍舊皇清因之編戶一十一里

按鄭改穀城秦置留縣晉廢劉宋復置與史不合

讀史方輿紀要

考城縣在州東北九十里西南至開封杞縣八十里本周之戴國春秋隱十年鄭

取戴改名穀城秦置穀縣漢高封秘彭祖爲戴侯國於此後爲甯縣屬梁國東漢章帝改名考城屬陳留郡晉省惠帝時復置屬濟陽郡宋因之後魏改置考陽縣屬北梁郡北齊省入成安縣隋開皇十六年復置考城縣屬宋州唐初置東梁州尋廢以縣屬曹州五代晉屬開封府宋因之崇寧中改屬拱州大觀中仍屬開封府金復屬曹州又改今屬編戶十一里

按顧氏無甚誤惟云鄭取戴改名穀城不見經史

大清一統志表

考兩漢甯縣

屬梁國後漢改曰考城屬陳留郡

成安縣

屬陳留郡後漢省

三國魏考城縣

晉初省尋復置屬濟陰郡

魏考

陽縣

魏孝昌中改置兼屬北梁郡

北梁郡

魏置

齊周成安縣

齊天保中改名

隋考城縣

開皇十八年復置名屬梁郡

唐考城縣

武德四年

置東梁州旋廢屬曹州

五代考城縣

梁更名戴邑後唐故屬開封府

宋考城縣

崇寧四年改屬拱州天觀四年復屬開封府

金元考城縣

金還屬曹州正

隆中又屬睢州

明考城縣

正統二年徙治

按表謂西漢有成安縣東漢省亦不見於史惟史記韓安國傳有梁成安字注

者亦不言在考城

乾隆府廳州縣圖志

考城縣春秋戴國秦置甾縣屬碭郡漢屬梁國後漢改曰考城屬陳留郡晉初省
辱復置屬濟陽郡後魏孝昌中改置考陽縣兼置北梁郡北齊天保七年郡廢改
縣曰成安隋開皇十八年復曰考城屬宋州大業初屬梁郡唐武德四年於縣置
東梁州五年州廢屬曹州元和十四年屬宋州尋還屬曹州五代梁開平元年改
曰戴邑屬開封府後唐復曰考城宋崇寧四年改屬拱州大觀四年還屬開封府
金初屬曹州正隆中屬睢州本朝屬歸德府乾隆四十八年三月移縣治黃河北
岸以岸南地入睢州因改縣屬衛輝府

按洪氏謂晉初省考城蓋沿晉書地理志誤衛輝府志

春秋戴國秦置甾縣屬碭郡漢屬梁國後漢改曰考城屬陳留郡晉初省尋復置
屬濟陰郡後魏孝昌中改置考陽縣兼置北梁郡北齊天保七年郡廢改縣曰成

安隨開皇十八年復曰考城屬宋州大業初屬梁郡唐武德四年於縣置東梁州
五年州廢屬曹州元和十四年屬宋州尋復曹州五代梁開平六年改曰戴邑屬
開封府後唐復曰考城宋崇寧四年改屬拱州大觀四年還屬開封金初屬曹州
正隆中屬睢州元明因之國初屬歸德府乾隆四十八年改屬衛輝府

按志謂隋大業初考城屬梁郡亦不見正史

歸德府志

周宋人蔡人衛人伐戴春秋戴公穀作戴杜注戴國陳留外黃東南五里考城故城

是也春秋傳說漢梁國笛前漢書故戴國莽曰嘉穀應劭曰章帝改曰考城漢書注東漢陳留

郡考城故笛章帝更名後漢書注陳留志曰古戴國地名杜預曰戴在外黃東南後漢書注考

城縣周之采邑也於春秋爲戴國矣左傳隱公十年秋宋衛蔡伐戴是也漢高帝

十一年秋封彭祖爲侯國陳留風俗傳曰秦之穀縣也後遭漢兵起邑多災年故

改曰笛縣王莽更名嘉穀章帝東巡過詔曰陳留笛縣其名不善高祖鄙栢人之

邑世宗休聞喜而顯獲嘉應亨吉元符嘉皇靈之顧賜越有光烈考武皇其改留

縣曰考城經道立水 鄭注晉晉惠分陳留為濟陽國領考城今太康地無宋書州郡志後魏沛郡

考魏書隋梁郡考城隋書唐曹州濟陰郡考城武德四年以縣置東梁州五年州廢

來屬元和十四年權隸宋州尋復故新唐書後五代梁開平元年取曹州之考城更

曰戴邑隸開封府五代史宋開封府考城畿崇寧四年與太康同隸拱州大觀四年

廢拱州二縣復來隸宋史金睢州考城正隆前隸曹州後屬葵邱金史元睢州下考

城元史明考城州北元末省洪武四年八月復置屬開封府十年五月復省十三

年十一月復置屬州明史考城隸睢州屬開封府嘉靖二十四年用按臣議升歸

德州為府縣為屬陳志

陳錫輅按考城之名自東漢始志謂封伯邑考之後于商故名考城臆說不足

信縣志又謂秦置淄縣史無其文考前漢地理志曰淄後漢書作蓄無淄名縣

志又謂北齊改為成安縣亦不見於史今考魏書地形志成安孝昌中置北梁

郡考屬沛郡成安與考無涉志家杜撰往往如此


按陳氏齊謂無成安縣與隋書地理志不合

城考舊志

陳德敬修


城考爲歸德屬邑自周武封伯邑考之後於高北亳故地國名爲戴春秋時鄭取之改爲穀城秦置淄縣碭郡西漢屬梁國東漢始改爲考城縣屬陳留郡魏改爲考陽縣北齊改爲成安縣屬濟陰郡隋復爲考城縣屬宋州唐置東梁州尋廢以縣屬曹州五代晉漢屬開封府宋屬拱州金初屬曹州又改屬睢州元因之至明仍以縣名考城隸睢州屬開封府嘉靖二十四年用按臣議陞歸德州爲歸德府縣仍隸睢州又屬歸德府本朝因之

按考城舊志存者惟此而又謬誤頗多陳氏錫輅已指出不贅




考城縣全境圖

考城縣境全圖



東明縣界



圖例 每方六里

- 城 橋
- 寨 路
- 村 省界
- 堤 縣界
- 沙 方界
- 岡阜
- 乾河

圖說

考城地形甚似卧龍縣治其首也堽陽董堂二方其角也雷寺青凌崗二方其胡髯也賀村大劉寨二方其爪也沈沈茨蓬小宋楊橋傅村舊城六方其腹也孝城順流二方其背也盟台新興二方其尾也時當嚴冬蟄屈未能飛躍然鱗甲隱曜光彩奪目易云見龍在田天下文明此之謂也在滌斯土生斯土者善用此形勢也

考城縣十六地方圖

說明

宋時州縣編戶皆曰鄉明始曰里曰保里保更以甲分曰某里幾甲某保幾甲清因之亦存鄉之名考邑編戶舊以鄉稱鄉分若干里乾隆時猶然也後因沿習俗稱為地方而鄉里之名漸忘民國分城鎮鄉區仍而不革分為十六地方

圖方地陽垧




圖例 每方六里

圖說

以堽陽寨為的點附城本儀封地乾隆四十八年併
考城移縣治於其西麓西南九里界蘭封北十里界
東明東二十五里界曹縣西南接青陵崗方東南接
雷寺方寨南門外有大路西赴蘭封東赴曹縣領村
莊五十八西方曰趙寨東馬目西馬目黃窰朱賈莊
洪潮灣北方曰牛營曲莊水驛柳園東方曰曹寨小
王莊范寨賀莊孟寨官莊劉樓秦寨梁寨黃口獨坐
樓崔寺管寨南方曰前雙井後雙井王庄周場范場李新

莊汪新莊徐場梁場薛店南柳園東北方曰呂堂譚
莊韓西寨霸城寺寨孔莊曲良莊刁莊孟岩寨馬林
寨憨廟宋莊曹莊韓營虎羊寨大力集侯寨司寨劉
堡蕭蔡莊憨寺寨李莊憨莊孫營寨何二莊寨


茨蓬地方圖





方界
 王庄
 大李庄
 起龍縣道
 雷寺地方界
 青陵園地界
 南柳園

圖例 每方六里




青陵園地方界

圖說

以茨蓬集為的點在縣東南十二里本儀封地乾隆四十八年併考城西北七里接雷寺方東南十八里接賀村方西南十二里接青陵崗方東八里接小宋方中有赴商邱曹縣大道領村莊三十二北方曰徐堂南方曰田莊高寺小李莊張莊寨北翟莊方店孔莊寨李莊小孔莊孔莊東南方曰平房南翟莊後楊莊韓蕭坡寨前韓蕭坡李寨前楊莊後劉樓杜寨董莊南北堤岑埠口孔寨西南方曰何莊土山寨後土

山大李莊南柳園王莊前劉樓

雷寺地方圖



陽

北大堤

地

方界

何庄

端庄

起龍線道

場部

綢陽地方界

李場

青陵園地方界

圖例 每方六里

寨 橋



村 路

沙 方界

堤

乾河


潭




圖說

以雷寨村為的點在東南距縣七里本儀封地乾隆四十八年併考城西十里接青陵崗東南六里接茨蓬方西北七里接堽陽方中有大道二一赴睢縣一赴商邱領村莊二十三西方曰端莊何莊北方曰王莊朱莊黃口宋營南方曰汪營聶莊馬莊郝塲李塲東方曰卞寨宋莊韓莊曹莊大傅堂陶樓寨陳集寨蕭莊東方曰小傅堂刁樓左寨

青陵岡地方圖





圖例 每方六里

寨 〇 橋 漳
 村 〇 縣界 方界
 沙 〇 廟
 堤 〇
 岡阜 〇
 乾河 〇

烟陽地方界

蘭封

縣

界

縣

封

蘭

孔場

王場

孔莊

李莊

後孔莊

斯莊

前孔莊

普莊

青陵崗

秦川

西王莊

莊郭

北牌坊莊

陽工

廟台

廟

大王廟

趙莊

廟王

廟王

南牌坊莊

灣兒

下五巷

堤灣

葛寨

東留陳舖


西留陳舖


圖說

以青陵崗為的點在南距縣十八里本儀封地乾隆四十八年併考城北方東西長二十餘里南北極寬處十四五里黃河故道貫其中領村莊五十四西方曰齊塲寨閣莊普營西王莊趙莊下武營西劉陳鋪東劉陳鋪葛寨北方曰孔塲牛塲李塲東方曰茅草莊曹莊王一堂樊莊耿菜園何莊孫莊王莊南方曰南牌坊紅廟寨二堤十堡鉄牛寺館東前白樓寨前馬店在舊河北岸北曰靳莊李莊王塲張莊東曰前

孔庄東北曰後孔莊管場在舊河南岸西南曰堤灣
灣兜北牌坊洛陽工牛王廟小堤上前王莊廟台村
南曰郭莊東曰東戴莊西戴莊東南曰嶺子上三堤
張莊亦莊後白樓後馬店趙莊

沈沈地方圖





圖例 每方六里

寨 □ 廟 台
 村 ○ 省界
 沙 路 方界
 堤 路
 乾河

10. 25. 35. 45. 55. 65. 75. 85. 95.


1.


圖說

以杜樓集為的點在東距縣三十里本儀封地乾隆四十八年併考城西接垵陽小宋西方東接董堂楊橋兩方領村莊四十四東方曰南門裏後小莊賈寨張貫珠寨孔莊雙樓王莊寨蕭莊南彰廟寨徐凹王高莊佟莊北方曰蕭橋張橋王橋孫橋劉橋水牛趙大譚莊小譚莊王茂店姚莊回龍寺莊南莊常堡王堡張寨前趙寨後趙寨林寨羅寨前湖裏後湖裏西方曰五里河袁寨南方曰王凸蔡凸袁凸王新莊王

園子土山王舉人莊袁莊

小宋地方圖





圖例 每方六里

- | | | | | | |
|---|----|---|----|---|----|
| 潭 | 乾河 | 堤 | 沙 | 村 | 寨 |
| | | | | | |
| | 岡阜 | 橋 | 方界 | 路 | 廟台 |
| | | | | | |


圖說


以小宋集為的點在城東距縣二十里本儀封地乾隆四十八年併考城東接沈沈方南接賀村方北接垣陽方西接茨蓬方集南大路西通縣東通董堂魯縣東南通舊城商邱領村莊二十三西方曰王府橋袁堠堆袁莊北方曰張老家許寨馬寨張莊孔莊梨園曲樓唐寨王莊南方曰邵凸寨西邵凸郭莊郭店何莊劉莊王莊打繩莊趙莊

五ノ辰
三ノ辰
二ノ辰
一ノ辰

一ノ辰

董堂地方圖





圖例 每方六里

寨 □ 省界

村 ○ 方界

堤 乾河

沙路 廟


界碑

圖說

以董堂寨為的點在城東距縣五十里本儀封地乾隆四十八年併考城東北兩面皆界曹縣南接大劉寨方西接沈沈方西南接楊橋方寨南門外大道西通縣城東通曹縣領村莊六十二東方曰趙溝靳莊董園黃莊吳河西方曰趙莊前新莊後新莊蔡小集許河寨前蔡莊後蔡莊陳莊小許莊許莊路莊張保府許馬莊東埽懷趙莊高莊寨牛園子杜莊李園子蔡莊張莊丁莊小趙莊馬集李堂焦李河張莊聶莊

姜樓黃集黃莊張孟強西方曰韓莊王莊劉莊裴寨
牛連中史莊蔡莊美人店小玉莊郭莊翟莊呂莊賈
莊西北方曰圈裏寨魯寺楊莊周莊前城子後城子
戴莊李莊陳莊宋莊寨胡橋

楊橋地方圖



張筆彩

榮華寺

鄭園子
陳園子

北土山

南土山
劉土山

雷庄
呂庄
謝庄
胡庄

徐菜園

圖例 每方六里

寨 □ 潭 ()

村 ○ 橋 ()

沙 路 ()

堤 方界 ()


岡阜 廟 ()

乾河 二

沈沈地方界

賀村地方界


劉寨地方界



圖說

以楊橋寨為的點在城東距縣四十里本儀封地乾隆四十八年併考城東接董堂方西接沈沈方南接大劉寨方領村莊二十五東方曰楊堂李九寨西埽懷西方曰鄭園子陳園子南方曰王園子趙寨趙寨趙寨馮莊橋口莊孫莊王朝鑿雷莊呂莊胡莊徐萊園謝莊劉土山北方曰前郭莊後郭莊陳莊前劉寨後劉寨張筆彩


賀村地方圖



岡阜 乾河 堤 沙 村 寨

〇 方界
 □ 潭
 〇 寨
 〇 村
 〇 沙
 〇 堤
 〇 乾河
 〇 岡阜

圖例 每方六里




圖說

以賀村集為的點在縣東南三十五里本儀封地乾隆四十八年併考城南數十武即蘭封境西三里接茨蓬方北十八里接小宋方東北方八里接沈沈方東八里接大劉寨方東北有赴商邱縣大道領村莊三十二東南方曰楊寨袁莊喬寨楚寨劉見吾寨單寨西方曰張寨王大瓢北曰大程寨小程寨三合義楊寨余寨阮寨張莊寨北土山引河北南土山在引河南胡莊夯牛樓徐寨高寨牛寨田寨龍莊後程寨

前程寨在乾河北龍王廟小王寨黃寨王七野寨趙
寨潘寨蔡李寨在乾河南

大劉寨地方圖



○刘土山

○楊新庄

楊橋地方界口張庄寨

界方地村賀

○大胡庄

○凸刘

○西刘寨

○祠堂坎

○中刘寨

○盐店庄

○贾馬口

○大刘寨

○刘馬口

○油房庄

賀村地方界

○曲庄

○牛寨

○牛馬

○梨井

○羅庄

潭

乾河

沙

村

寨

圖

界

縣




每方六里

方界

圖說

以大劉寨為的點在縣東南距縣四十里本儀封地乾隆四十八年併考城南界蘆封睢縣西接賀村方北接楊橋方東接董堂方領村莊四十七乾河橫貫境內西方曰油房莊西劉寨張莊寨北方曰王朝鑾田莊謝莊東方曰李培元李園子南方曰石樓集賀莊中莊劉井牛馬口羅莊乾河北曰大胡莊杜莊翟莊劉莊馬莊胡樓趙寨雙井小李莊大李莊小李莊官廠引河南曰劉土山楊新莊乾河南杜莊張丙莊曲

莊牛寨南王莊集義村王義樓周莊小馬莊孫莊李
莊劉凸鹽店莊賈馬口劉馬口大劉寨中劉寨西劉
寨祠堂墳油房莊



李城地方界

○後祥符營

○郭庄
○王公庄

○寧庄

付村塔地方界

○王小樓

○李庄

○盧樓

○趙庄

○岳庄

付村塔地方界

○關庄

○馬院

界

縣

睢


圖例 每方六里
 寨 □
 村 ○
 堤 二
 乾河 一
 廟 台
 路 虚
 方界 厚

圖說

以北關集為的點在縣東南距縣七十里前係考城縣北關乾隆四十八年因河患縣治西移埭陽留北關以存舊跡是謂舊城後即因以名方地形西狹迤東漸廣南以堤為界堤南屬睢縣即前由考檢入者東西約長二十里南北或七八里十數里不等東接考城方西接傅村塔方領村莊七十南方曰白家堤吳家堤趙家堤東南方曰小李莊張園子劉莊崔莊底莊蔡莊金莊于莊潘莊劉莊官廠高莊陳莊李莊

劉莊任莊傅莊甯樓張道口程莊石井朱老家穆莊
呂莊秦莊宋莊岳道口東北方曰趙莊魏莊安心廟
牛莊底莊陳田莊小劉樓安莊李莊鄧莊李莊北方
曰牛莊楊莊吳樓前羅園後羅園梁莊王大莊程莊
柳莊吳莊寨朱莊王新莊前祥符營鹿莊湯廟西方
曰陳家堤劉家堤朱家堤馬堤園岳莊趙莊闔莊李
莊王小樓盧樓甯莊郭莊王凸全莊後祥符營


付村塔地方圖



圖例 每方六里

潭 乾河 堤 沙 村 寨

路
 方界
 省界
 橋
 寨



圖說

以大王莊為的點在縣東南距縣六十里前臨自縣
赴舊城向商邱大道南西南八里界睢縣西接大劉
寨方東接舊城方東北接孝城方北接董堂方大堤
斜貫其中領村莊六十西方曰前新莊後新莊許莊
李莊梁莊北張窰杜莊司莊胡園子趙莊方莊鄭莊
菜園西南方曰李莊劉園子王莊劉莊前丁寨王雙
廟半截樓南張窰東方曰崔莊寨王莊路莊張莊戶
焦莊姬莊前莊戶三官廟侯集寨張堤堂莊王莊孫


莊趙樓周莊寨張油房王莊孟道口翟廟李莊東南
方曰侯莊張莊埽上石寨後丁寨鄭集王道口呂莊
宋莊崔莊韓莊東北方曰前李莊後李莊趙天一馮
莊前王莊後王莊官莊寨張莊

盟台地方圖



寨 □ 廟 台
 村 ○ 路
 堤 ——— 省界
 乾河 ——— 方界

圖例 每方六里




圖說


前名白水牛方自民國十一年縣知事闢改為盟台

以褚廟店為的點距縣九十里在東南邊境西南六里界睢縣正南八里界睢縣東八里界曹縣西接舊城方東南接新興方北東北接順流方西北接孝城方村稠密且極零星二三家輒為一村村稍長者一村每數名領村莊八十八南方曰劉莊李莊李莊石莊金莊周集石莊張小樓柳園子潘莊李莊孫莊尚樓張小樓張仙廟道口馬道口孫道口前尤樓孫坡樓後尤樓半坡李店寧莊堤上張莊洪武廟王莊周

莊王莊杜莊孔廟榮莊呂園子閻莊張柳莊張貢生
莊前後殿梁靖口鮑莊王莊小張莊李莊張八樓東
方曰薛樓陳莊薛老莊薛新莊孫莊范堂前潘樓後
潘樓徐莊張莊賈莊劉莊司樓孫莊前謝園後謝園
朱店朱莊趙塢晏莊吳莊張莊尤樓西方曰韓樓楊
莊趙小樓申莊黃莊安莊榮莊趙莊張樓郝樓郝道
口寧胡同柘桑樹九股柳趙園子唐莊北方曰鄭莊
陳莊李莊張莊李樓張井李莊

新興地方圖





圖例 每方六里

潭 乾河 路 墓 沙 堤 村 寨


方界 省界 廟 橋 寨


圖說

以顏集寨為的點距縣百一十里在東南極邊境南
西南出寨即睢縣界西里許界睢縣東南二里界睢
縣東八里界曹縣東北十里界曹縣北接盟台方領
村莊五十四東方曰埧子前趙莊後趙莊龐莊曾莊
羅莊李莊高莊秦大門游莊張傅莊閻莊高莊秦董
樓杜小樓小鹿莊季口集曲埠口胡老家秦小樓賈
莊東北方曰秦老家秦李樓後李樓楊樹莊趙莊張
莊拐潭唐莊李莊喬莊苑莊樊莊張平樓大顏集秦莊

樊莊張園子北方曰閩道口堤上王莊于莊王莊陳莊
陳胡莊鹿莊呂潭李大莊李莊陳莊孫莊何樓薛橋
堤上

孝城地方圖





圖例 每方六里


寨 □ 路
 村 ○ 省界
 堤 方界
 乾河
 沙

圖說

以崔堤寨為的點距縣八十里在東邊境寨北三里
界曹縣東接順流方南接盟台西接舊城方西北接
傅村塔方領村莊六十六東方曰宋樓楊口樊莊底
莊崔何莊六合村北方曰楊堤崔大樓崔小樓西方
曰劉店張營唐水口王回莊朱莊馮莊董莊李館寨董
營李莊韓莊蔡莊任莊李莊趙莊戴莊王公莊後祥符
營程廟尹莊南方曰楊新莊韓海子劉莊五里村土
山楊莊田莊丁莊杜莊高莊姜莊任莊安莊劉樓李

莊邵鋪劉莊張莊薛莊范莊李新莊石井趙莊史莊
大宋莊范莊秦集唐莊劉莊柘桑樹呂園子曹莊寨
曹莊郝莊小李館鹿莊

順流地方圖



縣

樓魏

界

界方地城秦

孝

潭龍

集通流

大王廟

安新庄

史仙庄

史安庄

後安庄

田庄

庄劉

城

地

方

喬庄

前安庄

大王庄

潭 乾河 堤 沙 村 寨

圖例 每方六里

○ 路 橋 方界 省界 縣界

小王庄

台盟

梅庄

界

界

方

地


台

盟

圖說

以順河集為的點距縣百里在東極邊境東五里界曹縣東北六里界曹縣北四里界曹縣西北西俱接孝城方南接盟台方領村莊五十九東方曰張樓于樓前清漣寺後清漣寺安堂寨楊莊陳莊傅劉莊戴樓北方曰張莊李樓張申樓李胡同帥莊常樓卞莊祝樓史莊王莊李莊崔何莊趙莊伏樓魏樓西方曰郝莊韓莊李小莊張老莊楊小廟張善樓張化莊呂莊史莊張新莊流通集安新莊史仙莊史安莊後安莊老安


莊田莊劉莊喬莊大王莊前安莊小玉莊薛莊南方
曰史莊車莊呂莊伏莊百柳村程莊袁莊吳莊朱莊
孫莊邊莊



考城縣城池圖


縣城圖

□ 先農壇



□ 教場

□ 邑厲壇





社稷壇

邑厲壇


考城縣官署圖



縣署圖






文廟圖







江花書院圖



西號房





考城縣志卷三

事紀

清洪亮吉登封縣志創大事志一門方志多因之壬闔運桂陽志易爲事紀似與沿革爲複實則沿革屬地理部大事屬人事部也州縣之治亂興衰皆人事爲之人事和順斯膏露醴泉芝草瑞木之祥出人事乖盭斯水旱兵凶癘疫盜賊之劫至如鼓應桴無或爽忒考城雖非都會而春秋時爲會盟之所南北朝時爲往來之衝唐割據於藩鎮宋金拱衛於畿內數十年來變更不可僕數其禍福治亂有同受者有獨受者此公民所宜知也茲援王氏志例編年紀事書其重大遺其瑣細以法戒觀者興起語曰前車之覆後車之鑒其斯之謂歟所據史事不無失理之正乃記者之咎不可謂無其事也志大事

夏桀二十八年昆吾伐商商會諸侯於景亳

竹書景亳說見沿革志左傳昭公四年杜注謂在鞏縣偃師者誤

周平王四十八年魯敗宋師於黃

左傳隱元年惠公之季年敗宋師於黃黃今在考城

春秋地理考實
春秋大事表

周桓王七年秋宋人衛人入鄭宋人衛人蔡人伐戴鄭伐取之

左傳隱十年秋七月庚寅鄭師入郊猶在郊宋人衛人入鄭蔡人從之伐戴八月
壬戌鄭伯圍戴癸亥克之取三師焉宋衛既入鄭而以伐戴召蔡人蔡人怒故不
和而敗

說詳沿革志

按漢書五行志引此作滅戴與傳不同

二十年秋七月丁亥宋公魯侯燕人盟於穀邱

左傳桓十二年秋七月公及宋人盟於勾瀆之邱杜注勾瀆之邱卽穀邱也後漢

書郡國志考城下引陳留志曰有穀亭古勾溝之邱

詳古蹟志

周僖王四年冬十二月齊侯宋公魯侯衛侯陳侯鄭伯許男滑伯滕子同盟於幽

左傳莊十六年同盟於幽鄭成也幽今考城地

春秋地理考實

周惠王十年夏六月齊侯宋公魯侯陳侯鄭伯同盟於幽

左傳莊二十七年夏同盟於幽陳鄭服也 說見上

周襄王元年夏宰周公會齊侯魯侯宋子衛侯鄭伯許男曹伯於葵邱秋九月戊辰諸侯盟於葵邱

左傳僖九年夏會於葵邱尋盟且修好秋齊侯盟諸侯曰凡我同盟之人言歸于好葵邱在今考城 春秋地理考實

周敬王三十八年晉侯曷侯吳子會於黃池

左傳哀十三年公會單平公晉定公吳夫差於黃池黃池魯地吳溝通江淮屬於商魯間之沂濟其工實自考城始 春秋大事表

黃溝國語吳子掘深溝於商魯以會晉公午於黃池即此薛瓚曰外黃以黃溝得名蓋溝近外黃漢志注考城縣有黃溝 讀史方輿記要

四十年宋殺皇瑗於丹水之上

竹書汴河在縣南水經注汴水東靈考城故城南而爲帛獲渠亦兼丹水之稱竹

書紀年宋殺其大夫皇瑗於丹水之上今爲平陸矣

讀史方輿紀要

漢高祖四年漢靳歙略梁地敗邢說軍於菑南

靳歙傳略梁地別將擊邢說軍於菑南敗之身得說都尉二人司馬侯十二人降

更卒四千六百八十人

史記說見沿革志

十一年封祕彭祖爲戴侯

高祖功臣侯年表以卒從起沛以開沛城門爲太公僕以中令擊豨侯千二百戶

史記

漢表彭祖姓祕師古曰讀如祕書索隱本作狄則是史表元作秋而今本脫耳

然秋字非

史記志疑

按梁氏說是而他本有作狄者狄祕音近

漢景帝後元元年廢戴侯蒙

自彭祖始封戴侯卒諡敬子共侯悼嗣卒子成侯安國嗣卒子侯蒙嗣後元元年坐祝詛無道國除

史記高祖功臣侯年表

按漢表悼作憚疑悼字訛侯安期作安侯軫

史記志疑正義引載侯正

漢孺子嬰二年東郡太守翟義起兵討王莽王莽遣孫建王邑等擊之戰於留翟義敗績

翟方進傳方進子義爲東郡太守不平王莽居攝卽立嚴鄉侯劉信起兵討莽莽聞大懼迺拜輕車將軍成武侯孫建爲奮武將軍光祿勳成都侯王邑爲虎牙將軍明義侯王駿爲疆弩將軍春王城門校尉王况爲震威將軍宗伯忠孝侯劉宏爲奮衛將軍中少府建威侯王昌爲中堅將軍震羌侯竇兄爲奮威將軍凡七人自擇除關西人爲校尉軍吏將關東甲卒發奔命擊義諸將東至陳留留與義會

戰破之

漢書

漢章帝二年東巡留縣更名爲考城

後漢書及東巡記詔詳沿革志

晉惠帝永安劉喬据考城以距王虓

劉喬傳東海王越以王虓領豫州刺史喬以非天子命不受代發兵距之河間王
顒使劉弘劉準彭城王繹與喬并力攻虓於許昌劉琨率衆救之不及復率突騎
五千濟河攻喬喬劫琨父蕃以檻車載之據考城以距虓

晉書

魏莊帝永安二年梁納元顒於魏魏命濟陰王暉業爲都督於考城拒之

北海王元顒傳顒以事意不諧遂與子冠受率左右奔於蕭衍顒見衍泣涕自陳
言辭壯烈衍奇之遂以顒爲魏王假之兵將令其北入永安二年四月於梁國城
南登壇燎號孝基元年莊帝詔濟陰王暉業爲都督於考城拒之

魏書

梁武帝中大通元年三月癸巳陳慶之攻魏梁城拔之進屠考城擒魏濟陰王元暉
業

陳慶之傳大通初魏北海王元顒以本朝大亂自拔來降求立爲魏王高祖納之
以慶之爲假節廳勇將軍送元顒北還顒於渙水卽魏帝號授慶之使持節鎮北

將軍護軍前大都督發自銜縣進拔榮城遂至睢陽將丘大千有衆七萬分築九城以相距慶之攻之自旦至申陷其三壘大千乃降時魏征東將軍濟陰王元暉業率羽林士子二萬人來救梁宋進屯考城城四面縈水守備嚴固慶之命浮水築壘攻陷其城生擒暉業獲租車七千八百輛

梁書

唐德宗建中二年李納反宣武節度使劉玄佐使左廂兵馬使以徧師收考城

唐書
劉昌

贈太尉許國公神道碑銘師道之誅公以兵東下進圍考城克之遂進迫曹寇乞

降

韓愈
文集

唐宣宗大中八年九月考城縣民家雄鷄化爲雌伏子而雄鳴通考物異鷄禍
唐僖宗乾符五年黃巢破考城

黃巢傳以曾元裕爲詔討使張自勉副之巢破考城

新唐書

宋太宗雍熙四年置考城雄威軍

宋禁軍 宋兵志

宋真宗咸平三年置考城橫塞指揮神威指揮

宋步軍 宋兵志

宋神宗熙甯四年立治盜重法於考城著爲令

宋刑罰志 詳刑政

金宣宗元光二年改考城黃陵岡爲通安堡

金史地理志

金哀宗天興元年割考城通安堡置儀封縣

按王惲文集但云正大間而儀封縣志以爲正大九年金史正大無九年卽天興元年從金史書之

元世祖至元二十五年考城大水 元史食貨

以考城陳留通許杞縣太康五縣大水及河溢沒民田免其租萬五千二百石 食貨

志

元成宗元貞元年六月考城蝗

元順帝至正四年夏四月大雨霖河溢考城大水

至正四年夏四月歸德淫雨浹旬黃河瀑溢商甯虞夏鹿睢考柘皆罹水患

新歸德府

志

明洪武二十三年徙縣城於江墓店

按考城故城自漢迄宋末有變更至元圯於河縣監李茂徙築賀丘至是又遭

河患知縣楊顯宗自賀丘徙築江墓店

建文元年三月革考城儒學訓導

姜氏祕史

明英宗正統二年徙縣城黃河南岸

按知縣鄭道由江墓店徙築葵丘卽今舊城

明孝宗弘治二十年夏五月河決入考城

弘治二年夏五月黃河決支流分爲三其一決封邱金龍口至曹州入張秋其一出中牟下尉氏合潁水入淮其一泛濫於原武陽武蘭陽儀封考城命刑部侍郎白昂治之役丁夫二十五萬水患稍甯

明史

按此考城有河患之始

十年九月十一日考城地震

自西北來聲似雷三日始息

陳志

十二年考城產瑞麥一莖七穗

十五年考城地震

十六年考城牛犢一身二首

明五行志

明武宗正德五年御史林茂達濬考城河流故道

五年九月河衝黃陵岡入賈魯河泛濫橫流直抵豐沛御史林茂達以北決安平

鎮爲虞卽濟儀封考城上流故道引河南流以分其勢然後塞決口築故隄

明史

六年流賊劉七等犯考城

霸州降盜劉六名寵劉七名宸并驍悍善騎射初與楊虎齊彥名等從有司捕盜頻有功會劉瑾家人梁洪徵賄不得誤爲盜令捕之六等乃投大盜張茂茂爲捕盜御史甯梟所禽六等詣官首伏兵部奏赦之令捕他盜自效六等憚要求乃叛去聚衆剽掠旬日間至數千人先擾畿南旣轉掠山東河南

通鑑集覽

按史不言犯考城而歸德府志載之疑別有所據

七年秋考城蝗饑

陳志

明世宗嘉靖元年王堂掠考城

青州礦盜王堂等起顏神鎮流劫東昌兗州濟南都指揮楊紀指揮楊浩等擊之浩戰死紀僅以身免詔責山東將吏於是諸臣分道逐賊賊不復屯聚往來金鄉魚台間突至曹州欲渡河不得轉掠考城循河而西至東明長垣流入祥符封邱

歸德南抵徐州廷議以右都御史俞諫督山東河南諸軍討之賊復流至考城諫

等連營而進滅之

通鑑
集覽

三年元日考城地震

陳志

秋蝗

蝗飛蔽天遺種生蝻食禾殆盡

陳志

四年三月十九日星隕於考城

其光燭天良久方滅

陳志

十八年御史胡纘宗開考城孫繼口孫流口黃河支流以殺歸睢水患

明史河
渠志

二十三年築考城崔家壩閻家集王家樓河隄王崇慶築于莊口隄記略曰總河苑

洛韓公河道蓀堂吳公命儀封令谷君鳳鳴築河隄北自蘭陽回龍寺至考城崔

家壩厥長凡九十二里百二十步有奇南則自蘭陽油房寨至考城閻家集王家

樓厥長一百零三里餘六十步有奇厥高凡五丈闊凡三尺頂五尺蓋千百世將

於是永賴云

節錄儀封縣志

明神宗萬曆八年十一月十九日考城大雷雨

十三年考城豕生猿

形如獼猴墮地卽跳躍欲升屋其家人殺之

陳志

十九年命總河潘季馴查核考城河工

潘季馴上治河疏略曰歸德府考城縣北岸芝蔴莊迄東掃壩三段李秀廠東隄

决口唐家水口壩基皆係險要之處

明史

明僖宗天啓四年二月初四日考城地震十月葉自智家中牛產麟

鱗甲火光俱全呼吸卽死

陳志

明懷宗崇禎九年流賊高迎祥掠考城

廬象昇傳於是迎祥圍廬州不克分道陷含山和州進圍滁州象昇率總兵祖寬遊繫羅岱大戰於城東五里橋斬賊首搖天動奪其駿馬賊連營俱潰逐北五十

里朱龍橋至關山積屍填溝委塹滁水爲之不流乃北趨鳳陽圍壽州突穎霍蕭
錫靈壁曹單總兵劉澤清拒之乃掠考城儀封而西 明史

十一年考城蝗

蝗食禾盡生螻平地尺許 陳志

十四年開州賊袁時中由考城渡河而南

袁時中往來梁宋之間不殺人不掠婦女亦羣盜之一奇也 豫變紀略

十五年三月李自成羅汝才陷考城 寄園寄所寄

按豫變紀略稱賊遊騎破考城訓導王臣被執不屈死之與寄園所記不同

許定國大掠考城

許定國太康人以故總兵赦罪出獄放兵縱掠考城被其毒尤慘 寄園記所寄

十七年許州流賊郭鳳岐潛入考城

明季流賊郭鳳岐引賊入考城盤据七十餘日坑士民無數往往鬼哭天陰則聞

後淮徐道張夢熊至考城聞其事發銀四十兩命王曇李實與孫體元朱竟立董順楊銓等購城東地十畝爲義塚掩屍一千四百六十五具睢陳道李芳蘊親臨祭奠文曰爾生不辰天地丕變刀鋸相尋玄黃交戰不與爾爭不謂爾叛童叟齏粉士民塗炭胡又秦坑屠戮巨萬池魚之殃林木之歎嗟嗟爾其士耶孔廟爲墟長夜不旦爾其農耶田野荒蕪存亦離散爾其工耶技成何用倕亦厭亂爾其商耶遍地荆榛持籌莫算爾其童耶怙恃飄零莫戀一線爾其叟耶亞族盡無誰與視膳疇操此戈惡盈滿貫殃及其身九泉浩歎余奉天子之寵靈俯修諸魂之追薦庶其一一而上昇勿自悠悠而處閻後河廳安國珍知縣傅夢籲劉應兆劉愈奇延僧設水陸道場以超度之鬼聲始息

陳志

清世祖順治元年五月歸德知府桑開第由考城渡河執諸僞官

開第以開封同知守汴功升歸德知府未上任徘徊河朔間忽聞賊敗遂由考城疾驅渡河是夜卽部分兵吏馳州縣執諸僞官皆獲之

豫變紀略

二年高傑部將李本深王之綱圍許定國於考城縣三日不克而還興平諸將欲爲高傑復仇雖屠睢州而不知許定國所在稍引去李本深末行一日謀得西北有騎往來乃與王之綱引軍出至桃園集遇定國定國棄其衆而走兩軍旂鼓相錯定國之衆殲焉王李縱騎追之不及者僅十餘步短兵不能接連發數矢綴甲上定國不顧幾墮馬復逸至濠定國棄馬從濠中遁入城王李不敢追後軍繼至圍而攻之三日城幾破天忽大雨定國恐城中人叛已皆殺之而專以卒守焉會揚州羽檄至涓靖南兵犯界矣諸將室孥在維揚慮不能支則大恐乃解而東

豫變
紀略

十三年三月考城大風

十四年四月考城大雨雹

大者如斗小者如杵入地尺餘

陳志

清聖祖康熙元年八月黃河溢

六年七月考城蝗

七年六月十七日考城地震

自西北來聲如奔馬房屋傾倒無數

以上俱陳志

九年十一月詔免考城額賦

是月以淮陽數被水災特命高郵寶應等十五州縣應征康熙九年並帶征七八年漕糧漕頃概行蠲免並免直隸開州河南考城山東商河湖南瀏陽江南太倉

等十六州縣衛被災額賦

節錄東華錄

二十八年考城黃河決

王運瑛隋隄行注

中州詩抄

二十九年秋考城牛瘟

三十三年五月初九日考城大雨雹

俱陳志

清世宗雍正元年縣民李士成壽一百一十歲

詔給坊

續河南通志

四年十二月考城縣河南清

上自孟津下至虞城綿亘千里澄清匝月

續河南通志

河南巡撫田文鏡奏報黃河清自四年十二月至五年正月十日凡三十一日上諭數年之中休徵疊見稽諸史冊咸稱福慶而受寵若驚不以爲喜實以爲懼惟有君臣益加黽勉一德一心以承天眷若允行慶賀則沿襲頌美之虛文大非誠敬之素志專遣祭告景陵遣大臣致祭河神內外大小官員各加一級羣臣恭請宣付史館御制碑文勒石奏諭允行

東華錄

六年奉旨建忠義孝弟祠

衛輝府志

八年歲大饑

學愚齋文集金悔齋先生傳

清高宗乾隆四年總河白鍾山奏改河捕通判爲儀考通判

按河捕通判一缺康熙年間職宦姓名緣衙房被水案牘霉爛無憑至乾隆四年

經總河白公請增廳員題准改河捕通判爲儀考通判自孫晰始 歸德府志

考城霖雨傷禾

學愚齋文集金悔齋先生傳

十二年考城挑濬沙河

自會盟橋東至商邱長一千九百八十七丈 衛輝府志

二十二年考城大雨傷禾

詔曰河南歸德府屬之夏邑商邱虞城永城考城并陳許兩屬各縣五六月間大雨連綿以致窪地復有積水秋禾被淹已命裘曰修前往相度疏濬冀速爲消涸但該省瀕河州縣與山東之金鄉魚台江南之宿虹豐沛等處壤地相接屢歲被災在山東江南者均邀賑卹而該省地方官從未留心查辦獨抱向隅今涸出補種之秋禾復被漫淹平地亦多淹浸朕心深爲憫惻雖定例夏災不賑而該處積歉之後民食艱難應加優卹副都三泰郎中蘇爾德現在奉使在豫著卽率同護

撫劉慥查明被災戶口無論極次貧民概予一月口糧其董率有司實心查辦毋被胥役侵蝕中飽自十月至明年二月賑垂畢上曰譬如赤子出慈母之懷未能強飯遽斷其乳其何以堪其再賑一月

東華錄

四十三年上命截留江西漕糧賑考城

詔曰前因豫省上年秋成薄歉今夏二麥缺收民不無拮据卽降旨截留江西尾幫漕糧十萬石令豫省於就近水次運回備用嗣以儀封考城二汎漫口復截留漕糧十萬石於豫以資賑卹併先後撥給兩淮課銀十萬兩俾銀穀兼賑災民不致稍有失所今復思該省秋禾雖可望有收而儀考兩汎現有要工料物並須合屬辦運恐於各間兌漕諸務不免兼顧爲勞著再加恩將豫省本年應行起運漕糧內酌留粟米十萬石貯該省以省挽運之費並可備賑糶之用該撫務董率所屬實心經理俾閭閻均沾實惠以副朕軫念災黎之至意該部卽遵諭行欽此

東

黃水漫口上命考城緩徵

詔曰豫省儀封考城一帶黃河漫口被災較重朕心深爲軫惻業經降旨截留糟糧二十萬石并留豫新糟十萬石又先後撥運兩淮鹽課銀一百萬兩並令尙書袁守侗前往查辦董飭有司實心賑卹災民不致失所第念被災州縣尙有應徵米豆等項若今冬仍令輸將貧民未免拮据著再加恩將儀封考城商邱甯陵睢州祥符陳留杞縣本年共應征粟米三萬一百八十七石零豆五千九百一十三石零又祥符等六州縣應徵麥一千六百五十六石零一並緩至次年秋後徵還以紓民力該部卽遵諭行欽此

東華錄

濬考城盤馬寺溝

詔曰高晉奏查時和驛漫口下注之水歷陳留杞縣柘城境內之黃河康家河南沙河老黃河均歸賈魯新河下達江南亳州之渦河儀封漫口下注之水一由考城之盤馬寺溝入北沙河至商邱縣鄧濱口由歸德府之陳兩河一進入渦一由

甯陵之馬三河會歸德之陳兩河是豫省漫水均以亳州之渦河爲總匯如有停淤歸於歲修水利案內一律疏濬等語所籌未爲善要其疏濬工程不宜照常籌辦復滋派累著高晉於祥符儀封合龍事竣會同鄭大進閱鶚元沿途親自確勘將應挑之河核實估計具摺奏聞候朕發帑興工續皇朝通考

四十四年黃水漫口上命賑考城

詔曰上年豫省儀封考城一帶黃河漫口被災較重朕心深爲軫惻業經降旨截留漕糧二十萬石并留豫省新糶十萬石又先後撥運兩淮鹽課一百萬兩戶部庫銀六十萬兩命尙書袁守侗前往查辦董飭有司實心賑卹并節經費蠲緩兼施災民自可不至失所第念藉賑貧民向資官廩入春東作方興正在青黃不接之際若驟行按例停止未免糊口維艱深爲軫念著再加恩將被災較重之儀封考城祥符陳留杞縣商邱甯陵睢州鹿邑柘城十州縣十分災之極貧加賑兩箇月十分災之次貧同九分災之極次貧各加賑一箇月咸俾惠洽始和其餘被

災較輕各地方應行酌借口糧籽種之處該撫察看情形妥協辦理務使窮簷均沾愷澤副朕加惠無已至意該部遵諭速行欽此

東華錄

四十五年黃水漫口上命考城緩徵錢糧免糟賑濟

詔曰上年因豫省堵築漫工會降旨將應徵地丁錢糧緩至秋後開徵第念該省自儀考數州縣被水成災外其餘各屬雖獲有收而元氣初復戶少蓋藏若將地丁及舊欠並徵民力不無拮据著再加恩將該省四十四年分應徵地丁錢糧除被災各屬蠲免外其餘俱自四十五年爲始分作三年帶徵歸款用昭體卹窮黎至意該部卽諭遵行欽此

東華錄

詔曰據陳祖輝奏本年九月已屆新漕交納之期豫省自春至秋豐穰倍往昔卽被災之地屢蒙恩卹元氣日復俱可踊躍輸將惟是儀封商邱等州縣漫淤未退若槪糧新舊並徵民力不無拮据現奉恩旨於庚子年爲始普免天下漕糧一次豫省輪應明年全免懇恩卽就今歲概賜蠲免並將儀封考城等五州縣乾隆四

十三年緩徵漕糧展至四十五六兩年分年帶徵等語前因豫省漫工久稽堵合濱水田禾不能耕獲情形未免拮据深爲厯念屢經降旨加恩賑卹並諭令該撫查明應行加恩事宜據實速奏候朕酌量降旨以蘇民困茲屆新漕開兌之期被淹地方不無稍形支絀卽豐收各屬自去夏至今辦供夫料亦屬急公可嘉著加恩將該省乾隆四十五年應行輪免漕糧卽就今歲概賜蠲免俾閭閻益裕蓋藏其儀封考城商邱甯陵睢州被淹五州縣四十二年緩徵漕糧著再加恩展至四十五六兩年分年帶徵以紓民力該部遵諭速行至該撫所請祥符陳留杞縣舊漕請照二十三年折徵之處并著該部速議具奏摺并發欽此

東華錄

詔曰上年豫省儀封考城一帶因漫工堵築未竣瀕水田禾被災較重卽輕降旨蠲賦截漕以資接濟又前後撥運兩淮鹽課及戶部庫銀五百六十萬兩交該撫飭屬辦理正賑第念今春正賑已畢青黃不接之時若按例停賑貧民糊口未免拮据著再加恩將被災較重之儀封杞縣商邱甯陵永城鹿邑睢州考城柘城汲

縣淇縣延津濬縣十三州縣十分災之極貧加賑兩箇月十分災之次貧與九分災之極次貧民加賑一箇月其被災八分以下各州縣極次貧民有需借給口糧籽種者並著該撫查明分別妥協辦理務俾均沾愷澤用溥春祺該部卽遵諭行
欽此 東華錄

四十七年黃水漫口上命賑考城

詔曰豫省因焦家橋曲家樓南北兩岸漫口儀封考城等處及漫水經由之祥符等縣均有被災之處屢經降旨令該撫切實查勘分別照例給賑第念今春正賑已畢尙屆青黃不接之時民食不無拮据著再加恩將陳留儀封考城三縣十分災之極貧加賑兩箇月十分災之次貧並九分災之極次貧民加賑一箇月至祥符杞縣滎澤三縣及陳州府屬之淮甯西華等縣並著該撫察看情形酌量借糶俾窮黎母致失所以副朕加惠無已之至意欽此 東華錄

河督阿桂奏移考城縣治

奏云查考城自四十三年以後屢被漫水淹浸郭塌墮官民俱在隄上居住本有不得不移之勢至隄內居民屢被災浸各移高阜居住其傍隄廬舍甚爲寥寥卽存民田亦可將舊河身灘地撥給更換或情願於新隄外居住者卽將其地照河灘減則不致稍有擾累失所並先期出示諭以一勞永逸以期長遠安全之意小

民自必樂

從阿文
成奏議

四十八年考城縣改隸衛輝府

詔曰考城縣改隸衛輝府管轄收併丁口八萬九千六百九十四丁欽此

衛輝府

志

詔開封府屬封邱縣歸德府屬考城縣二縣改歸衛輝府管轄收入民田原額熟荒一萬一千四百八十頃七十八畝三分八釐四毫三絲三忽宣武衛地三頃八

十六畝八毫

衛輝府志

免堵築青陵岡漫工價銀

詔曰據李世傑奏豫省堵築青陵岡漫工及築隄濬渠歷次酌增夫料價銀九百四十五萬三千九百餘兩請分作三年攤徵以輸民力一摺豫省自辦大工以來歷次部撥及用司庫銀千餘兩無非爲百姓保護田廬輯甯家室所有採辦物料顧募人夫俱於例價之外寬裕給值俾小民踴躍赴事以期迅速歲工其例價外酌增銀兩自應分年均攤代徵還款在百姓等遵限輸將亦屬分內之事但此次爲數甚多而上次漫工案內又尙有攤工未完銀九十餘萬兩若按年帶徵民力未免拮据朕自御極以來勤卹民依覃敷愷澤普免天下地丁錢糧者三次普免各省糟糧者二次不惜萬萬帑金俾閭閻並臻康阜又何靳此千餘萬庫項而令小民每年於正賦外多此徵輸耶况現在仰荷上天孚佑大工告成自應廣澤推仁與斯民咸慶盈甯之福所有此次該撫等所請分年攤徵銀九百四十五萬三千九百餘兩以及上次攤徵未完銀九十四萬五千餘兩俱著加恩普行豁免以仰答昊蒼嘉貺並示朕愛黎元爲民藏富至意該撫其徧行曉諭茅檐蔀屋咸使

聞知俾均沾實惠母任不肖官吏從中滋弊該部卽遵諭速行欽此

續皇朝通考

四十九年考城知縣雷遜築新城於堽陽

考城新城距舊城六十餘里在張村集迤東堽陽

舊儀封地新撥考城

署考城縣知縣雷遜

創建 衛輝府志

收併儀封縣七里 衛輝府志

五十年詔免考城沙壓坑潭地糧

計四百九十九頃五十九畝六分六釐 衛輝府志

考城旱災上命免各項錢糧

詔曰豫省衛輝一帶連年旱災甚重屢經降旨加恩展賑並將緩徵帶徵民欠各項普行蠲免本年錢糧緩至秋後徵收矣該處雖兩次得有雷雨仍未渥被甘膏農民更形拮据朕心深爲軫念卽使夏至以前得有透雨及時播種大田秋禾成熟而當積歉之餘閭閻元氣未能驟復恐艱於完納所有衛輝府屬之汲縣輝縣

新鄉淇縣獲嘉延津濬縣滑縣封邱考城及附近災之區武陟陽武原武修武各縣本年應徵地丁錢糧竟著加恩概行蠲免俾吾民得安心耕作以待西成該部卽遵諭速行欽此

東華錄

詔免考城縣緩徵帶徵

詔曰京畿一帶三冬以來雪澤短少朕心盼望焦切今自初七初八兩日得雪盈尺渥澤優霑河南山東京畿尤更望澤邇日雲氣寬廣或亦普霑膏澤與否著該撫各卽速奏因思農民得此透雪不但已種麥苗長發暢茂並可趕種春麥藉卜豐收朕感荷天恩實深額慶天旣優加愷澤益當推恩斂福敷錫庶民所有衛輝府屬之汲縣等五縣並附近災區之延津等九縣昨經降旨展賑並將歷年帶徵耗羨等項及本年應徵又歷年緩徵錢糧民欠未完常平義社等倉穀緩至本年秋成後分別徵還第念各該處被災地畝卽使及時耕種秋豐稔亦止能輸納本年錢糧若將緩徵各項同時並徵民力未免拮据竟著恩將衛輝府屬之汲縣新

鄉淇縣獲嘉等五縣並附近災區之延津濬縣滑縣封邱考城武陟陽武修武原武等九縣帶徵緩徵民欠各項全行豁免俾農民安心耕作盡力南畝共享盈甯該撫卽出示曉諭咸使聞知副朕惠愛黎元有加無已之至意該部卽遵諭行欽

此 東華錄

詔借考城縣災民一月口糧兼籽種銀

詔曰豫省衛輝府屬上年被旱災民業經於新正如恩展賑但該處雪澤短少恐春麥未能播種小民生計未免拮据自應再沛渥恩俾資接濟所有衛輝府屬之汲縣輝縣新鄉淇縣獲嘉五縣不拘被災分數著再加恩普賑兩月俟得雨後仍借給籽種以助耕作至衛輝府屬附近災區之延津濬縣滑縣封邱考城並懷慶府屬之武陟修武陽武原武等九處被旱農民著加恩酌借一月口糧每畝並借給籽種銀六分其無地極貧下戶並著賞及一月口糧至各該縣歷年帶徵耗羨等項及本年應徵並歷年緩徵錢糧又民欠未完常平義社等倉穀均著緩至本

年秋成後分別徵還以紓民力該撫卽飭屬妥速辦理務俾窮民均沾實惠以副
朕軫念災黎有加無已之至意此欽

東華錄

五十一年詔賞考城縣貧民口糧

詔曰豫省開封衛輝等屬頻歲不登上年入春後雨澤愆期麥收失望夏秋雖經
得雨田禾究未免歉薄業經節次降旨蠲賑頻施閭閻口食有資不致復虞失所
惟是積欠災區元氣未能驟復今春青黃不接之時農民生計未免尙形拮据著
加恩將被災較重之汲縣新鄉獲嘉淇縣輝縣等五屬極貧下戶於今春賞給兩
月口糧其被災稍輕之延津封邱考城濬縣滑縣原武陽武武陟修武等九屬極
貧下戶賞給一月口糧至秋災輕重之歸德府屬永城虞城夏邑柘城四屬無論
極貧次貧民俱著展賑兩個月其秋災稍輕之歸德府屬商丘甯陵鹿邑睢州彰
德府屬之內黃陳州府屬之西華太康扶溝八屬無論極次貧民俱著展賑一箇
月再開封陳州許州光山屬等府州屬上年雖勘不成災而秋成止有五分現在

青黃不接如有拮据貧民亦著酌借口糧接濟以待麥秋該撫務董飭所屬實力體查奉行俾災氓均沾渥澤以副朕惠愛黎元春祺普錫之至意該部卽遵諭行

欽此

東華錄

五十三年詔緩徵考城漕糧

詔曰據梁肯堂奏衛輝懷慶二府屬本年雨澤稍愆收成未免歉薄等語豫省本年衛輝懷慶二府地方因雨澤短少收成歉薄現在開徵之期若令新舊錢糧同時並徵民力未免拮据著將衛輝府屬之淇縣滑縣延津濬縣封邱考城六縣並懷慶府之原武修武陽武三縣帶徵舊欠漕糧迭展一年所有緩徵舊欠錢糧並民欠倉穀籽種等項均緩至五十四年麥熟後徵收至衛輝府屬之汲縣新鄉輝縣獲嘉四縣著將本年地丁並緩徵帶徵舊欠錢糧倉穀等項均緩至五十四年麥熟後徵收其本年漕糧著自五十四年起分作兩年帶徵舊欠漕糧亦著加恩迭展一年徵解以示朕軫卹民艱有加無已至意該部卽遵諭行欽此

衛輝府志

清仁宗嘉慶二年二月初九日考城大風晝晦

十七年大旱

十八年滑縣教匪黃興宰黃興相竄考城

九月十二日詔曰軍機大臣等本日溫承惠奏河南滑縣老岸鎮地方匪徒黃興宰黃興相兄弟並宋姓爲首興天理會於本月初七日聚衆滋事滑縣已失縣官被戕直隸長垣縣亦有習教之人並聞教匪竄往河南考城縣及山東曹縣一帶見在睢州二堡黃流漫溢台斐音馳往該處下游被水一帶查辦災務高杞此時若尙未起程離豫著即挑帶將弁兵丁督同河北總鎮色克通阿星夜前赴該處加意防範並嚴飭沿河文武員弁嚴密防堵勿令偷渡河南致形滋蔓高杞俟方受疇到任後再來京赴熱河都統之任

東華錄

饑

二十四年儀封北岸河溢考城水災

採訪

清宣宗道光十九年改考城河隄石工爲甄工

詔曰栗毓美奏豫籌儲備工需以防串溝隱患一節又另片奏甄工得力省費情形等語著照所請惟其於北岸黃沁廳屬之馬營榮原兩隄南岸下南廳屬之祥符下汎陳留汎每廳各構甄五千方於情形要害之處酌量多寡分段堆貯備用凡所築土壩飭令工員用甄擇要包砌此甄價先由道庫墊發俟秋間於奏請購石頃下撥還歸款此外洋河曹考曹河糧河上南商虞各縣應先事豫防者著該河督隨時督率道廳妥商辦處並於查驗工料時認真稽察如工員購甄不實即行嚴參著賠以重工需至用甄搶辦險工較鑲埽更爲便捷且較石價多寡懸殊錢糧節省又所占河面無幾不至有與水爭地之虞該河督既確有把握卽責成辦理總期行之無弊方爲不負委任其應貯甄塊仍令向民間收買不必廳員設窯燒造之處亦著照所議辦理

東華錄

二十七年考城旱災上命鄂順安賑之

秋七月鄂順安奏豫省缺雨災民亟應籌款賑恤一摺已飭戶部速議具奏矣因河南兩次大工之後元氣未復民鮮蓋藏當此苦旱異常小民顛沛情形不忍設想若待該部籌議章程恐緩不濟急即使撥用近省庫款亦覺難救燃眉朕焦灼之餘幾廢寢饋著戶部庫銀先發十萬兩星夜迅速解交河南暫應急需並著戶部於該省鄰近省分迅卽籌撥有著銀二十萬兩飭令該督撫專派委員迅速運往以備賑撫之用該撫惟當宣示德意設法籌畫所有賑撫一切事宜悉心妥議務令災黎得所實惠均沾該地方官多盡一分之心即多活一人之命用副朕速沛恩膏恫瘝在抱至意

東華錄

八月詔曰本年河南開封等府屬雨澤稀少二麥歉收疊經加恩撫恤昨又據鄂順安奏到該省亢旱異常報災幾至通省當卽降旨飭戶部發銀十萬兩並於鄰近省分籌撥銀二十萬兩星夜迅速解往備賑著領解各員無分晝夜迅解該省驗收毋得延誤干咎因思赤子何辜流離失所轉徙溝壑實覺堪憐但旣已失經

理於先必應善補苴於後雖曰天災流行然人定亦能勝天朕卽欲特派大臣前往撫輯恐該地方官轉置身事外倘有掣肘便覺屯膏當此喫緊之時豈容一隙開推諉之漸況鄂順安身爲大吏豈不知救荒愛民特恐派委不得其人或不肖官吏從中尅扣種種弊竇不可不防著該撫督同司道悉心籌畫加意撫綏多方訪求救荒良法立定章程派委委員分赴各屬賑濟倘訪有貪劣委員奸猾胥吏營私中飽立即從嚴懲辦總期荒村僻壤下戶流民無一夫不沾實惠方爲盡美盡善朕於此事夙夜縈懷無論何時特派大員前來查訪如有饑民載道或有控告官吏侵吞及有向隅窮戶未沾恩澤者必將該撫及司道重處其不肖各員加等治罪言出法隨決不寬貸懍之慎之

東華錄

九月上命文慶張澧中赴河南查賑劾考城知縣浮冒賑款

文慶至河南令隨員卓坦身歷村莊檢查虛實兼得考城長葛數縣浮冒情形卽

參劾如律

馮桂芬頤志堂文集

清文宗咸豐四年緩徵考城縣糧

十二月緩徵河南汲濟淇新鄉項城延津輝陳留滑安陽內黃蘭陽湯陰許沈邱考城扶溝獲嘉禹淮甯長葛臨潁商水偃師臨漳甯陵閩鄉祥符杞中牟鄭滎陽睢河內濟源武陟溫涉洛陽鞏商邱鹿邑固始封邱修武汜水四十六州縣被水被雹被旱被賊村莊新舊額賦

東華續錄

五年六月河決蘭儀封銅瓦廂北復故道考城水災

詔曰李鈞奏查明漫水經由處所一摺據稱黃流先向西北斜注淹及封邱祥符二縣村莊復折轉東北漫注蘭陽儀封考城及直隸長垣等縣村落復分三股一股由趙王河走山東曹州府迤南下注兩股由直隸東明縣南北二門分注經山東濮州范縣至張秋鎮匯流穿連總歸大清河入海等語黃流汎溢行經三省地方小民蕩析離居朕心實深軫念惟歷屆大工堵合必需帑項數百萬兩之多現值軍務未平餉糈不給一時斷難興築若能因勢利導設法疏消使橫流有所歸

宿通暢入海不至旁趨無定則附近民田廬舍尙可保衛所有蘭陽漫口卽可暫行緩堵著李鈞卽派張亮基同熟悉河工形勢之員周歷查勘繪圖貼說詳細具奏至被災之直隸河南山東各省並著桂良英桂崇恩各派幹員會同查勘統俟奏到時候朕辦理該督撫等目覩災黎徧野務當不分畛域熟計通籌以期早爲安輯至於辦理之方事屬權宜該督撫等如有所見不妨據實以陳以備採擇

東華續錄

十二月蠲考城賦並給貧民口糧有差

蠲河南河內洛陽內黃中牟鄆滎澤滎陽汜水湯陰臨漳延津偃師淮甯沈邱扶溝項城西華鄆陽尉氏柘城睢州甯陵安陽淇滑鞏汲濬原武密武陟許長葛溫蘭儀祥符陳留杞封邱考城四州縣被水被旱被雹被兵村莊新舊額賦並賑蘭儀祥符陳留杞封邱考城六縣貧民口糧有差

東華續錄

六年考城蝗

八年八月擒首孫葵心犯考城

豫省東南接壤江皖蒙亳潁壽民俗故強悍往往聚衆剽劫至千餘人少亦數百人各推賊中桀黠者爲之首自號爲擒不相統壹吏斯土者多以搏擊爲治否則不可制雖在承平已患之矣咸豐三年洪秀全陷安慶踞金陵分黨破鳳陽歸德進圍大梁於是皖豫之交匪蹤蜂起擒首李士林劉疙痞劉元吉任三皮等聚衆橫行而張樂行起於蒙城雉河集尤兇悍狡黠爲羣擒冠連年擾豫境是年八月十四日擒首孫葵心爲虞城知縣李瀛所敗竄曹縣豫境蘭考睢商同時震動蘇克金自鹿毫馳勦孫北犯逼考城爲兵團所遏十八日犯甯陵

節豫軍紀略

十一月擒首劉天祥西犯張曜蘇克金承惠等率師赴考城禦之

擒首劉天祥糾衆數千由豐沛至山東城武曹單恒福檄張曜赴考城防勦益以伊里綳阿之師檄蘇克金承惠赴考城堵擊劉知西路有備分股東竄

豫軍紀略

考城蝗

九年擒首孫葵心劉添幅等竄考城

三月孫葵心黨北擾杞縣竄考城署河北鎮總兵伊里綳阿等暨地方文武鄉團

沿途扼擊賊不敢戰

豫軍紀略

辦鄉團以張世貞爲團長

張世貞字寶仁清恪公裔性情豪爽有傑士風是年秋皖捻北犯欲越長隄伺考

城邑人共結鄉團推世貞爲團長號令嚴明各團歸附

節錄張公祠碑

九月考城舊縣集練總蔡文懋邀擊皖捻輜重取之九月二十九日崇安躡賊賊由

曲興集退歸南路及考城縣境三十日載所掠輜重行至白茅集舊縣練總蔡文

懋約曹縣團練截回輜重牲畜甚夥

豫軍紀略

十月二十四日已革考城營守備梁樹業戰死甯陵二十四日關保等敗賊鹿邑棗

子集歸德總鎮慶文以功復職又查明先後死事諸人若考城守備梁樹業等俱

請卹如制

豫軍紀略

十年擒首王懷義等由考城趨禹密

三月十七日勝保由皖赴汴至距城二十五里之白酒店遇賊騎摩副參領成祿將百騎却之其已至八里窪者參將黃得魁守備李殿甲合兵逐之至陳留會承惠大隊縱橫夾擊賊奔蘭儀由考城折而西旁趨禹密聲言將犯河洛掠關中

豫軍紀略

團長張世貞擊皖捻於流通集

張世貞帶勇防勦擊捻於考城流通集轉戰無前大府嘉其義獎給五品頂戴使之防河

張公祠碑

九月皖捻張樂行犯河南考城游擊蔡若珍團總蔡文懋越境追之

自九月以來擒匪張樂行糾合粵逆踞正陽關圍壽州攻鳳陽勢益熾毫擒大股竄清淮未遂折而北掠山東郡縣鄆城鄉團遮擊於歸家莊丁官屯賊渡河而西掠豫邊慶廉遣記名道趙書升統兵扼蘭考蘭儀監生栗麟書王璽考城游擊蔡

若珍團總蔡文懋越境追殺賊由商丘丁道口回巢

豫軍紀略

十一年五月山東會匪焦桂昌竄入考城

五月山東會匪焦桂昌循黃河來由考城入屯曹縣流通集等處劉占考倪和尙屯曹州城外僧格林沁遣舒通額趙康候援之占考等解圍走一由西北入考城

一由東南擾單縣

山東軍興要略

七月副將楊飛熊駐師考城

七月十五日嚴樹森駐陳州與毛昶熙會籌全局合辭具奏疏云前略至於省城爲根本重地皖捻東匪時犯睢杞蘭考逼近省垣聞警戒嚴輒患無備擬練足撫標剛銳十營步勇五千人輔以馬隊五百騎派署信陽協副將穆正春將之紮營省郊並擬練足撫標襄勝五營步勇二千五百人派前湖北儘先副將楊飛熊將之紮營蘭考間此二軍者日日訓練且相去僅數十里聲勢互相聯絡兩將倚爲左右手練成一枝活兵通盤更覺靈動並可北屏河朔西捍宛洛何處緊急由臣

親督調度馳往何處策應是爲雕勦之師

豫軍紀略下

九月十一日團總張世貞與捻匪戰於曹縣魏灣敗績死之

是年五月長鎗會勾結皖捻自東北入隄張世貞力卻之四月會匪串通焦國昌李遷李標犯曹考各寨八月董執信等盤踞曹邑之魏灣世貞奉巡撫嚴樹森札同陳參府協力進勦九月十一日寅刻抵魏灣與賊戰爲賊所圍矢亡援絕世貞北向自到事聞賜卹建祠

張公祠碑

清穆宗同治元年四月山東曹州府會匪董執信李標等導皖捻自考城流通集過河隄北竄

五月山東曹州府會匪焦國昌劉前犯考城嚴家集

五月初七日董執信降僧格林沁焦國昌劉前率馬步千一百餘屯豫之睢州圖援執信初十日至馬集國昌聞執信等降意氣沮喪語其黨曲元基

東明人

陳魁

考城

人曰時勢至此不如納降劉前元基等不從失和爭言前等分引馬步數百遁

山東

二年八月皖捻李大箇子由考城趨商邱丁道口

豫境有賊三股官軍應接不暇大河以南幾於徧地賊氛而復有李大箇子一股馬步數千於八月二十二日由永夏之交突竄會亭營二十三日至甯陵二十四日至睢二十五日至杞縣聞省城戒備甚嚴因折向東北二十六日至蘭儀高小集由考城趨商邱之丁道口

豫軍紀略

四年三月初三日皖匪張總愚掠考城

三月初一日賊至蘭儀儀封壩頭水口村及睢州之匡牆西陵寺榆廂鋪諸處初

三日駛過乾河掠考城之張莊程莊大股悉入山東曹縣境

豫軍紀略

四月宋慶張曜蔣希夷等軍駐考城

四月下旬河南巡撫吳昌壽令湯聘珍崔廷桂扼龍門口宋慶張曜蔣希夷等軍

駐考城會合聯絡與僧格林沁軍收夾擊之效

豫軍紀略

八月二十四日皖捻牛老紅竄考城小宋集

二十日賊攻通許縣城知縣吳炳榮督壯勇縋城出擊賊由陳留杞縣睢州奔蘭儀之乾河灘二十四日大股悉竄考城之小宋集蔣希夷晝夜奔馳士卒憊甚吳

昌壽令馬德昭助之

豫軍紀略

二十九日皖捻攻考城

吳昌壽既令馬德昭助蔣希夷復令崔廷桂督率礮船上下梭巡嚴防河岸賊奔曹縣復折至蘭考沿河雷聚二十九日攻考城聞馬德昭軍至悉入直隸長垣縣

境

豫軍紀略

五年正月二十七日宋慶等追張總愚於考城

是日賊乘大雨由鄭州竄中牟宋慶等追至夜三鼓襲賊營胡詩莊啓元韓大武等奮呼直入賊衆大亂裸殺無算其悍黨以死拒擁張總愚而遁至朱仙鎮防省副都統善慶出隊復擊殺賊數十於是由蘭儀竄山東之曹州宋慶等追至考城

三月皖捻賴汶洸牛老紅等由考城入山東

三月初三日賴汶洸牛老紅股紛擾沈邱等縣初六日至朱仙鎮十二日至陳留
遇蔣希夷十四日黎明蔣希夷據溝爲險占上風施槍礮長矛各隊踰溝奮刺馬
賊先敗把總蔣芳周外委李慶劉長春深入陷陣歿士卒益奮前鬪步賊亦紛潰
遂以十四五日由杞縣睢州蘭儀考城駛入山東曹州府境於是賴汶洸張總愚
俱東豫軍扼要害以備回竄

豫軍紀略

宋慶等自蘭考移赴歸德進剿

張總愚賴汶洸復竄河南商邱虞城夏邑李鶴年檄宋慶保英安住蔣希夷等隊

自蘭考移赴歸德進剿

豫軍紀略

五月初五日宋慶軍與張曜新軍駐蘭考

初四日李鶴年敗賊於石固驛諸處越日宋慶追至賊遂竄中牟鄭州由洧川朱

仙鎮入大隄內卞寶第等督率文武固守省城賊乃由蘭儀考城入山東曹縣宋

慶軍疾追疲乏與張曜新軍均暫駐蘭考備賊回竄

豫軍紀略

十二年以蔡友彬補授考城營守備

河南巡撫錢鼎銘奏爲揀員請補守備員缺以實營伍恭摺仰祈聖鑒事竊照歸德鎮考城營中軍守備閻鳳鳴病故出缺前經臣恭疏題報聲明遺缺豫省現有應補之員請卽歸外補在案查定例武廳儘先卽補人員遇有題推缺出卽行題補又儘先人員按名次先後挨次補用又各省提調缺出其有員缺緊要人地實在相需所保之員與例稍有未符卽將該員不合例之處詳細聲明請旨各等語茲查考城營中軍守備係部推之缺臣於各缺儘先守備中逐加遴選儘先名次在前各員均於此缺人地不甚相宜惟查有儘先守備蔡友彬弓馬優嫻講求營務在歸德鎮標左營供差有年於地方情形亦頗熟悉以之請補斯缺洵堪勝任該員儘先名次稍後於例雖有未符第人地實在相需例得專摺奏請合無仰懇

天恩俯准將儘先守備蔡友彬補授考城營中軍守備實於營伍地方兩有裨益

除飭取履歷送部外理合恭摺具奏伏祈皇上聖鑒訓示謹奏

錢敏肅
公奏議

按此摺上於同治十二年二月二十三日旋以兵部咨覆於四月二十日具奉
旨依議復於六月十三日仍請以蔡補授其摺不盡關考城事不錄

十三年河南巡撫錢鼎銘閱兵考城

河南巡撫錢鼎銘奏遵旨查閱通省營務云臣悉心比較各營兵技以滿營駐防官兵及東左東右北左等營爲最優臣標左右開封三營及南左南右北右衛輝襄城鄧新考城等營次之陳州信陽光州彰德河南永城荆關陝州汝甯等營又次之及各營將領備弁臣詳加考驗考城營舊考城汛把總王順弓馬生疎惟年力尙堪造就應請將王順以外委降補以觀後效

錢敏肅
公奏議

清德宗光緒元年復以考城縣屬歸德府

舉人李正修等請以考城屬開封府巡撫錢鼎銘奏仍屬歸德府詔曰可

錢敏肅
公奏議

疏詳沿革志

二年考城大旱饑

三年二月初六日黃風竟日大疫

四年春大旱三月二十八日大風

十年五月初七日大風

自西北起飛沙走石晝晦

採訪

二十三年冬桃李花

二十六年二月初八日大風晝晦蝗

由鄰縣入境飛則蔽日平地寸餘食禾幾盡

二十七年三月考城蝻

知縣趙季枚率紳民撲滅之

以上採訪

六月河潰隄灌城

城外水深八九尺淹沒八十餘村壞廬舍無算溺死者十四人居民皆逃南大隄上飢餓號泣終日不得一食何莊舉人何樹植富而好義聞之急遣僕沿隄查視所有災民每人給一糧條其能炊者與之薪否則與之蒸餅三四枚民賴以活貧富無不德之

採訪

二十九年二月初九日紅風晝冥

宣統元年七月黑虫食禾殆盡

民國四年蝗

先生疇後成蝗食禾大半

以上採訪

